


四川名勝志

十八之九
夔州府

七冊



漢書門	二	三	六
類	一	三	八
號	三	七	八
函	九	三	八
架	九	三	八
冊	九	三	八

內閣文庫	二	三	六
漢書	九	三	八
類	八	三	九
號	三	九	八
冊	八	三	九
架	八	三	九

內閣文庫	番號	漢	2368
	冊數	93	(82)
	函號	291	35

明名勝志八十三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





11 2



四川名勝志卷之十八

閩中曹學佺能始撰



夔州府

在省城東一千八百里

領州一縣十二

春秋夔子國秦漢巴郡地也獻帝初平中置固陵郡尋為巴東矣唐初曰夔天寶至德之載皆稱雲安郡乾元以後復稱夔至今沿之按山海經岷山多夔牛注爾雅犂牛也肉數千斤出蜀山或地有此獸或山形似之如犍為之類○江關都尉兩漢立漢書地理志云江關都尉理魚復是也○白帝

四川名勝志

卷之十八

十一

和厚

四川名勝志卷之十一
城公孫述築郡國志云述至魚復有白龍出井中
因號魚復爲白帝城是也○永安郡蜀先王建三
國志云先主伐吳不利自夷道還改白帝爲永安
郡是也○三巴校尉宋太始間置立寧宇記云山
峽險隘多賊盜乃立三巴校尉以鎮之是也○信
州梁天監中立方輿云梁置信州治白帝城周穆
治永安宮南是也○其後王孟二蜀以施夔忠萬
置鎮江軍後唐改寧江軍節度使宋因之南渡後
陞爲帥帶歸峽州兵甲司公事○今下關城卽江
關瞿唐右所設白帝城學官卽永安宮址而材官

屯戍皆隸楚以犬牙相制之義

奉節縣 附郭

春秋時魚邑漢晉魚復縣也西魏易爲魚人蜀信
州唐貞觀中改今名州廢而節存不忘信矣水經
曰江水又東逕南鄉峽東寧宇記云南鄉峽在奉
節縣西四十七里龍洞溪出焉按卽今之龍窠候
館梁簡文帝龍窠詩云征人喜放溜稍隱陽雲臺
初言前浦合空覺近林開○經云江水又東逕永
安宮南註云劉先主終於此諸葛亮受遺詔宮前
距平地可二十里許汪山迥濶入峽所無城址背

四川名勝志 卷之十一 二
山面江頽墉四毀荆棘成林左右民多墾之爲田
三國志云劉備改魚復爲永安仍於州西七里築
永安宮陸游入蜀記云二十七日早到夔州州在
山麓沙上所謂魚復永安宮也宮今爲學基州治
在宮西北甘夫人墓西南景德中轉運使丁謂薛
頽所徙比白帝頽平曠然失關險無復雄桀矣○
古義泉相傳諸葛武侯所鑿侯慮城中無水乃接
筒引水後守亡藝以權水取錢待制王龜齡乃罷
之舊府志云夔惟節度府漕臺西廳有井紹興二
年朱嘉公領使事發地二百尺而始及泉以枘木

甃之民至今利焉○固陵文類云郡守錢唐單夔
全漕使濩澤張玠以紹熙元年六月初吉祇謁先
師因延肄業之士薰嘉張子震三山柯甲皆在文
學椽錢塘李廷光九華張巖起三衢毛憲寔與焉
遂會食明道堂啜茗觀三峽圖聽水琴聲清話久
之翛然忘暑遐想詠歸之風名教之樂其有旣耶
未有柯甲跋云其字皆古隸體○碑目云少陵遊
蜀凡八稔在夔獨三年平生所賦詩凡千四百六
篇而在夔者三百六十有一治平中知州賈昌言
刻十二石于北園歲久字漫滅建中靖國元年運

四川名勝志 卷之十八 三
判王蘧新爲十碑今在漕司○北園卽瀼西果園也入蜀記云土人謂山間之流通江者曰瀼其地在瀼之西故云瀼西杜甫暮春題瀼西新賃草屋詩久嗟三峽客再與暮春期百舌欲無語繁花能幾時谷虛雲氣薄波亂日華遲戰伐何由定哀傷不在茲其二北郊千樹橘不見比封君養拙于戈際全生麋鹿群畏人江北草旅食瀼西雲萬里巴渝曲三年實飽聞將別巫峽贈南鄉兄瀼西果園四十畝詩云苔竹素所好萍蓬無定居遠遊長兒子幾地別林廬雜藥紅相對他時錦不如具舟將

出峽巡圃念携鋤正月喧鶯未茲辰放鷓初雪籬梅可折風榭柳微舒託贈卿家有因歌野興踈殘生逗江漢何處狎樵漁○郡有制勝樓卽北樓也宋張商英序云夔據荆蜀往來之衝渝瀘施黔疆場之郡倚州爲重而頽垣廢塹居民暮夜出入不禁殆非所以防微消患嚴官府壯屏翰意也熙寧十年轉運副使董大夫請於朝而新之知郡事王仲祥畢其後遂負赤甲之固合月臺之遺址而增築之建爲樵樓宏大煥聳凡山川形勝盡在目中大夫以制勝名之蓋慮深哉落成諸公賡詩以詫

之將鑿於石以廣其傳於是金馬張商英適西來
爲之序云爾知軍州事王延禧北樓詩夔子城新
築長江便作壕歆兼諸面敵故起北樓高卽舊基
仍峻因時力不勞青天纔咫尺翠壁似周遭近照
東西滾遙分上下牢百蠻歸指掌三峽見秋毫帝
道方無外皇威到不毛三鈎閑夜鎖八陣縱春遨
守土慚非稱提兵亦謬叨經營皆使指備豫本戎
韜功之爲山助名加制勝褒登臨歆吟咤深愧杜
陵豪○方輿勝覽云白雲樓在計臺有三層程之
才序云漕舍據北山之麓西園錦石堂又據漕舍

之北地勢最高歲久且敝因稍增築代以重樓名
其上曰白雲樓中曰秋濤閣下曰山堂登覽之勝
甲於一郡於其成也不可無紀輒吟詩一篇爲作
者前驅耳詩云鬻熊城郭遶蒼崖萬疊煙嵐亦壯
哉日落三峨堪騁望雲浮雙闕歆崔嵬胡床不愧
庾公興奕簞還思杜老才更待携衾盡清景夜深
欄檻逼昭回○江月亭在戎鈐司王龜齡詩長江
何處水明月幾州天月與江無約相逢是偶然□
石刻云癸亥燈夕前一日臨川何異同叔招王鈐
轄光遠飯次日當用故事邀漕使鉅野李誠之同

至江月亭鈴轄錄示梅谿舊題預有所請方辭以
罷老無復強綴語言偶是夕五鼓形於夢寐得二
十字其辭曰月湖湖上月到處有光輝既解相隨
出當須照我歸覺而甚喜歸日可期既登茲亭水
月相得愈切刀頭之夢○瑞白堂在州治內郡守
王十朋五月十五日夜與劉韶美草酌於瑞白堂
秉燭觀跳珠分韻得跳字五月峽中天氣敲竹笛
引水那能澆江濱龍老卧未起巖石不枯珠自跳
草草杯盤對君酌燈前疑是簷花落毫端寫出萬
斛珠共向炎天作冰雹劉儀鳳得珠字別來世故

朝昏殊相與言之汗模糊兩翁對酒促坐席感深
念極氣欲蘓籜龍亦解作水供細繹尋文如渴鳥
衣巾生秋背毛豎金石相應環佩趨江山豪壯傍
尊俎醉中頻貫纍纍珠○韶美有自歸州陸行至
夔州詩久客歸心速江流設險艱夢驚人鮓甕生
出鬼門關草滿離騷國神依暮雨山未平千古恨
慘澹入躋攀又飛溜時時雨踈風處處蟬草茵秋
卧月雲幕午垂天夷險籃輿底陰晴鳥道邊荒村
無勞酒坐睡媿頰肩又戶口村無幾犁鋤力不堪
林荒樗櫟壽月黑虎狼貪幽絕雲眠隱清閑谷飲

其故山深未極壤斷蓋茅庵又倚伏關群動幽微
各有生燒痕移窟穴林曲聚飛鳴瘠土常飢色層
坡被惡名經行不唾地山好故留情又曠野無人
宿危亭犯雨過嶺雲堆巔巔剝海現堯羅酒觸秋
懷壯天留暮色多不勝行役苦裁入竹枝歌韶美
普州人性酷嗜書在京之日秘閣板本抄錄殆遍
親自校讎至杜門絕交爲人劾歸此正其還里時
作○經云江水又東逕諸葛亮圖壘南註云石磧
平曠望兼川陸有諸葛所造八陣圖東跨故壘皆
累細石爲之自壘西去聚石八行行間相去二丈

因曰八陣旣成自今行師庶不覆敗皆圖兵勢行
藏之權非深識者所不能了今夏水漂蕩歲月消
損高處可二三尺下處磨滅殆盡荊州圖副云永
安宮南一里渚下平磧上周迴四百一十八丈中
有諸葛孔明八陣圖聚細石爲之各高五尺廣十
圍歷然綦布縱橫相當中間相去九尺正中開南
北巷悉廣五尺凡六十四聚或爲人散亂及爲夏
水所沒冬水退復依然如故八陣圖下東西三里
有一磧東西一百步南北廣四十步磧上有鹽泉
井五口以木爲桶昔常取鹽卽時沙壅冬上出夏沒

劉賓客嘉話錄云夔州西市俯臨江岸沙石下有諸葛亮八陣圖箕張翼舒鵝形鸛勢聚石分布宛然尚存峽水泛濫三蜀雪消之際湏湧滉濇可勝道哉大樹十圍枯槎百丈破磴巨石隨波塞川而下水與岸齊人奔山上其聚石爲堆者斷可知也及乎水落川平萬物胥失故態唯諸葛陣圖小石之堆標聚行列依然如是者僅已六七百年淘灑推激迨今不動高似孫緯畧曰八陣圖在魚復者隨江布勢填石爲規前障壁門後倚卻月縱八橫八魁容二丈內面偃月九六鱗差江自岷來奔怒

湍激驚雷迅馬不足以敵其雄也徒華變滄不足以窮其力也磊磊斯石載轟載椿知幾何年曾不一仄是非天所愛神所做者歟晉桓溫伐蜀觀八陣圖詩訪古識其真尋源愛往跡恐君遺事節聊下南山石仍頌謂從事曰此常山蛇勢也杜甫八陣圖詩功蓋三分國名成八陣圖江流石不轉遺恨失吞吳劉禹錫詩軒皇傳上畧蜀相運神機水落龍蛇出沙平鷓鴣飛波濤無動勢鱗甲避餘威會有知兵者臨流指是非口舊經云八陣圖銘石刻在磧中今不復見張季長詩刻銘久伏水底碑

教戰時存山下鼓自註云有圖銘巨石今伏水底
又云山下有石鼓相傳爲武侯教戰之音也○三
山林栗詩序云諸葛武侯祠舊在西山歲久摧圯
永嘉王詹事帥夔日移置陣磧淳熙漕使張著庭
重修杜甫諸葛廟詩久遊巴子國屢入武侯祠竹
日斜虛寢溪風滿簿帷君臣當共濟賢聖亦同時
歛憶吟梁父躬耕起未遲□方輿勝覽云武侯廟
在八陣圖之卧龍山上時州理白帝故少陵詩云
猶有西郊諸葛廟卧龍無首對江濱也有堂曰開
濟堂何耆仲記云堂閱歲久垂壓矣淳熙疆圉作

噩歲瀆山何耆仲假守舉而新之因訪善本重肖
侯像摘老杜兩朝開濟老臣心之句以字堂巫山
尉任份來董事春二月乙亥落成○黃庭堅卧龍
行記云天水張茂先世京南昌黃庭堅魯直弟叔
向嗣直建中靖國元年三月丁卯同來時左綿道
人思順開法席於此山道俗歸心荆棘草萊化爲
金碧新雨晚晴同登中閣觀白鹽之崇崛想少陵
之風流歎大雅之不作裴徊久之奉節令王行謹
跋云涪翁以文學名世學徐浩書而婉翁死三十
年矣今人見其翰墨及從之遊者莫不欣然景慕

之都運徽猷久從翁遊而文學翰墨皆造其妙步趨之相若模範之相承譽望之相繼輝映炳耀卓乎其能肖也後之人苟未知涪翁之賢請觀於公可矣陸游詩云涪翁幾日客遺墨徧蒼崖作吏今三月偷閒始一來雲歸就簷宿江怒觸山回更欲窮幽賞城頭疊鼓催□題名潁川劉均國邀古雍李紹隆洛陽邢仲時陽翟衛師房黃山韓次阮游卧龍山咸平院謁長老忍禪師建炎四年十月晦日均國之子瓌侍侍郎閻公運使張公同遊卧龍紀行云余初自宣威幕府送季長奏事北闕入道

山爲學士後三年余始被命造朝遂玷論思之列今丐祠得請而歸會季長護漕夔門相與道舊故握手驚嘆蓋濶別已十年矣辱通家燕款浹辰亡倦是後游卧龍山松風蕭爽雲日蔽虧千載英靈恍若來下晚趨躍馬城赤甲白鹽峻極天半晴光返照瀆浪帖伏慈明行酒道韞誦詩至大醉而去不圖天涯爲樂之至於斯也淳熙九年三月癸巳唐安閻蒼舒才元書王十朋卧龍行記云永嘉王龜齡少城周行可海陵查元章載酒來遊時凍雨初霽風日清美山谷明秀照人道傍雜花盛開籃

輿徐行應接不暇寺有茶蘼羅絡松上如積雪崇
蘭數百本秀發巖石間微風透香所至芬郁東榮
牡丹大叢雨已開道人植葢護持留以供客飲罷
縱步泉上淪茗賦詩而歸乾道丙戌清明前四日
書○陸游跋關著作卧龍行記云著作作關公耆出
使峽中風采峻甚仕者人人震慄莫敢仰視游以
狐生起罪籍萬里佐州淺闇滯拙自期且汰去而
關公獨厚遇之舉酒賦詩談臺閣舊事忘其位之
重也公免歸之明年游以事至卧龍山咸平寺長
者惠璉言公往有行記今將刻之石因屬游書其

末游曰方關公之門可炙手時此書伏不出今公
歸卧青城山中賓客解散形勢一變而璉方刻其
書爲不朽計嗟乎足以愧士大夫矣乾道七年七
月左奉議郎通判夔州軍州主管學事陸游謹識
按關著作名耆青城人黃傑卧龍紀行云帥帳跨
鼉陳損之繡衣具茨王璆聯轡登卧龍置酒高會
賓客從者十有六人是日金虎嘯風丹雲蔽日涼
生尊俎興在江山獻酬賡唱之餘挹大士泉訪海
作修塵處心而神情清瞿塘晝漏垂盡乃去真勝
游也慶元己未七月十有四日魯齋黃人傑書

李暉卧龍行記云眉山李季允同漢嘉王申父襄陽晏亞夫來遊時春陽驟驕風埃四起酌泉松石間意頗愜無何雷雨忽至晚登寺閣望赤甲白鹽山色如洗相與舉酒樂甚遂留宿山房慶元六年五日○水經注云白帝城西有孤石冬出水二十餘丈夏卽沒秋時方出灩澦如象行人莫上灩澦如馬行人莫下峽人以爲水候李膺益州記云灩澦堆與水漲沒數十丈其狀如馬舟人不敢進故曰灩澦又曰猶豫言舟子取途不決水脉故猶預也南史云滠豫大如襍瞿塘不可觸樂府云滠豫

大如馬瞿塘不可下類要云滠豫大如鼈瞿塘行舟絕滠豫大如龜瞿塘不可窺水經註灩澦歌曰江頭白滠堅相持倏忽淪沒別期孝子傳云庾子輿扶父柩過瞿塘六月水泛子輿禱而遂平既過泛溢如故人歌之曰灩澦如牛本不通瞿塘水退爲庾公○成子韶高齋題灩澦水則云開封成鏞子韶寄瞿塘關懷安寒渥澤民成都郭公臨舜卿東去過高齋覽形勝遣人撐舟垂繩墜石則灩澦之約約八十四丈子韶曰夏中江漲灩澦上水猶三十餘丈可想見矣澤民之子慶胄侍淳熙乙巳

正月二十五日范成大吳船錄云六月丙辰泊夔州早遣視瞿塘水僅能漫灩澦之頂盤渦散其上謂之灩澦撒髮人云如馬尚不可下况撒髮邪是夜水忽驟漲滄及排亭及明走視灩澦則已在五丈以下或可以僥倖入峽而夔人猶難之丁巳水漲未已遂决解維十五里至瞿塘口水平如席獨灩澦之頂猶渦紋灩澦舟拂其上以過搖櫓者皆汗手死心面無人色蓋天下至險之地行路極危之時旁觀者盡皆驚阻余已在舟中一切付之自然不暇問據胡床坐搖頭處任其盪兀每一舟入

峽數里後舟方續發水勢怒急恐猝相遇不可解折也帥司遣卒執一旗次第立山之上下一舟平安則簸旗以招後船峽中兩岸高巖峻壁釜鑿之痕皴皴然而黑石灘最號險惡兩山東江驟起水勢不能平又俗所謂茶槽者水大漲滄沒草木謂之青草齊皆不堪涉然既犯難而行不可回首也陸游入蜀記云二十六日晚至瞿塘關唐故夔州與白帝城相連杜詩白帝夔州各異城蓋言難辨也關西門正對灩澦堆堆碎石積成出水數十丈土人云歲旱時石露大半有三足如鼎狀○關者

孫瞿塘關行記云乾道庚寅中元日關者孫約李時雨陳彥岳建壽宋嵩李普張徽之雍大椿飲於三峽堂晚携餘觥下瞿唐關訪夔刺史舊治客曰今之司關者之君是也遂飲於此茂林脩竹間小亭縈紆客曰此唐劉夢得故址也夢得遺墨舊有石好事者取去復飲關上高齋誦少陵薄雲巖際宿孤月浪中翻之詩歎此老具眼如此夔江山元麤惡惟少陵所紀處獨異高齋其一也高齋故基屋隘而陋予惜之方欲爲太守王君言客陳彥辛景贊出席願出力更築之僕謂不可隘而陋亦不

可侈而大此少陵誅茅避世意也併書以告二子云景賢今司瞿唐關者口詩話珊瑚鈎云唐周邠自蜀買奴曰水精善沉水乃崑崙泗水之屬也邠疑瞿塘之險必有怪使水精入瞰之久乃出曰下有關不可度得珠貝而還按今謂之下關城矣○樂府解題曰瞿盛也唐陂池也言盛水其中可以行舟也又云夏則爲瞿冬則爲唐杜甫瞿唐兩厓詩云三峽傳何處雙厓壯此門入天猶石色穿水忽雲根猱獮鬚髯古蛟龍窟宅尊羲和冬馭近愁畏日車翻白居易夜入瞿塘峽詩瞿塘天下險夜

上信難哉岸似雙屏合天如匹練開逆風驚浪起
拔簽暗舩來欲識愁多少高于灩澦堆○峽程記
曰瀘合遂宕四郡皆峽之郡自蠻江桔栢施導等
江至此二百八十江會於峽前次於荊門都四百
五十灘卽有清水重峯胡灘漢灘忽雷閃電沱灘
瀨灘狼尾使君主簿以使君主簿沉舟之所遂爲
名其他不悉記三峽者卽明月峽仙山峽廣澤峽
也其有瞿塘灩澦燕子屏風之類皆不預三峽之
數唐楊炯廣溪峽詩廣谿三峽首曠望蕪川陸山
路遶羊腸江城鎮魚腹喬枝百丈偃飛水千尋瀑

驚浪迴天高盤渦轉深谷漢氏昔云季中原爭逐
鹿天下有英雄襄陽有龍伏常山集軍旅永安興
板築池臺忽有傾邦家遽淪覆庸才若劉禪忠佐
爲心腹設險猶可存當無賈生哭○經曰江水又
東逕廣谿峽註云斯乃三峽首也其間三十里頽
巖倚木厥勢殆交北岸山上有神淵淵北有白鹽
崖高可千餘丈俯臨神淵土人見其高白故因名
天旱燃火崖上推其灰燼下穢淵中尋則降雨常
璩以縣有山澤水神旱時鳴鼓請雨則必應嘉澤
蜀都賦所謂應鳴鼓而興雨也刺史二千石經過

皆不得鳴角伐鼓商旅上下恐觸石有聲乃以布
裹篙足此峽多獏獏不生北岸非惟一處或有取
之放著此山中初不聞聲將同貉獸渡汶而不生
矣其峽蓋自昔禹鑿以通江郭景純所謂巴東之
峽夏后疏鑿者杜甫白鹽山詩云徐步移班杖看
山仰白頭翠深開斷壁紅遠結飛樓日出晴江望
暄和散旅愁春城見松雪始擬放歸舟按盛弘之
荊州記謂漢高祖伐秦途經於此見淵中白壁赤
柱狀若官府因名龍淵云○經曰江水又東南逕
赤甲西註云是公孫述所造因山據勢周迴七里

一百四十步東高二百丈西北高一千丈南連基
白帝山甚高大不生樹木其石悉赤土人云如人
袒胛故謂之赤岬山淮南子曰傍皇於山岬之旁
注曰岬山脅也郭仲產曰斯名將因此而興矣志
云赤甲山巖穴中露一匣甚高不可升相傳乃古
兵書匣○經曰江水又東逕魚復縣故城南註云
故魚國也春秋左傳文公十六年庸與群蠻叛楚
莊王伐之七遇皆北唯裨儵魚人逐之是也地理
志云江關都尉治公孫述名之爲白帝取其王巴
蜀蓋巴東郡治也漢獻帝初平元年分巴爲三都

以魚復爲固陵郡趙胤訐劉璋改爲巴東郡治白帝山城周廻二百八十步北緣馬嶺接赤甲山其間平處南北相去八十五丈東西十七丈又東傍灤溪卽以爲隍西南臨大江闕之眩目唯馬嶺小差委迤猶斬爲路羊腸數四然後得上益州刺史鮑陋鎮此爲譙道福所圍城裏無泉乃南開水門鑿石爲函道上施木天公直下至江中有似援臂相牽引汲然後得水水門之西江中有孤石爲湔預石冬出水二十餘丈夏則沒亦有出處矣縣有夷谿卽狼山清江也經所謂夷水出焉益州記曰水色清照十丈蜀人見其澄清因名清江也○水經注云昔廩君浮土舟於夷水據捍關而王巴是以法孝直有言魚復捍關臨江據水寔益州禍福之門漢書地理志云江關理魚復寰宇記云蜀漢章武二年先主爲吳所敗改白帝爲永安晉太康中復永安爲魚復有故江關在江南岸北對州城宋泰始三年以山峽險隘多寇賊立三巴校尉以鎮之宋末廢唐置都督府及刺史郡治於此文苑英華常袞授持節都督夔州諸軍事兼夔州刺史相貞節制云山峽雄重江關要衝也○碑目云夔

州都督府記唐會昌五年刺史李貽孫文繆師禹
書見歐陽公集古錄今在漕臺集古錄云予嘗謂
唐世人人工書故其名湮沒者不可勝數每與君
謨嘆息于斯也如貝靈該繆師愈今人尚不知其
姓名况其書乎余以集錄之博僅各得其一爾○
碑目云唐夔州刺史廳壁記長慶二年五月一日
刺史中山劉禹錫撰今見存○張說下江向夔州
詩天明江霧歇州浦棹歌來淶水逶迤去青山相
向開城臨蜀帝祀雲接楚王臺舊知巫山上遊子
其徘徊司空曙送夔州班使君魚國巴庸落塵幢
漢守過曉檣爭市隘夜鼓祭神多雲白當山雨風
清滿峽波夷陵舊人吏猶誦兩峽歌戴叔倫送盧
使君赴夔州詩鏡管隨旌旆高秋遠上巴白波連
霧雨青壁斷蒹葭凭几雙桐靜登樓萬井斜政成
知變俗當應畫輪車唐求舟行夜泊夔州維舟鏡
面中迴對白鹽峯夜靜沙堤月天塞水寺鐘故園
何日到舊友幾時逢欲作還家夢青山一萬重鄭
谷入夔子詩萬家煙靄裡隱隱見夔州夜靜明月
峽春寒堆雪樓獨吟誰會解多病自淹畱往事如
今日聊同子美愁○白帝城公孫述所築東觀漢

記白帝城舊名魚復公孫述見白龍入井中以為應已之祥改為白帝陳子昂白帝懷古詩日落滄江晚停橈問土風城臨巴子國臺沒漢王宮荒服猶周甸深山尚禹功巖懸青壁斷地險碧流通古木生雲際歸帆出霧中川途去無限客坐思何窮杜甫上白帝城城峻隨天壁樓高更女墻江流思夏后風至憶襄王老去聞悲角人扶報夕陽公孫初恃險躍馬意何長又上白帝城樓江度寒山閣城高絕塞樓翠屏宜晚對白谷會深遊急急能鳴鴈輕輕不下鷗夷陵春色起漸擬放扁舟口入蜀

記云白帝廟氣象甚古松栢皆百年物有數碑皆孟蜀時立庭中石筍有黃魯直建中靖國元年題字又有越公堂隋楊素所創少陵為賦詩者已毀今堂近歲所築亦甚宏壯自關而東即東屯少陵故居也碑目云關城白帝廟碑凡三其一元和元年其二長興二年其三廣政元年立廟前有栢柱大可十圍高二十丈餘乃公孫述時樓柱所斫之處忽生枝而不朽又有三石筍王十朋詩云白帝祠前石筍三根連灩澦立相參不知此石能言否往事應同老栢談自註云有二栢甚古也石筍上

行記云江通濟道呂均東王黃庭堅魯直同來建
中靖國元年三月○方輿勝覽云越公堂在瞿唐
關城內隋楊素所爲也杜甫宴越公堂詩此堂存
古制城上俯江郊落構垂雲雨荒堦蔓草茅柱穿
蜂澗蜜棧缺燕添巢坐接春杯氣心傷豔藥梢英
靈如過隙宴衍願投醪莫向東流水生涯未卽拋
張俞越公堂詩越公作隋藩烈烈耀威武駐馬白
帝城營營壓巴楚俯瞰萬里流徘徊覽千古鬼工
後精魄梓制銜刀斧四阿無欒櫨大厦唯在礎岬
嶮露節角犀豁轉檐庶丹漆久磨滅風雲尚吞吐
自註云堂竒構宏敞內無撐柱在隻視中脊邈不可
度也○峽前有堂曰三峽堂宋肇詩云林巒十里
上巉巖飛檻初憑縹緲間夔子風煙依白帝夜郎
耕稼接烏蠻砌橫亂石遙臨澗門對高峯近帶山
咫尺驚湍吁莫測每來登此念江關又初尋磴道
踏雲煙漸引茅簷屋數椽江影動搖波面日山光
隱見峽中天放懷樽酒憑欄客回首舩歌趁市船
要與舟人同此樂移花種竹滿巖前呂商隱三峽
堂行記云商隱被命赴闕大卿李先生實帥夔門
作三峽堂成而未考也因相率置酒作樂其上同

來者郡僚張悅之陳子長員仲文謝邦彥堂據峽
口俯瞰洪流震搖灑瀆真爲偉觀歲淳熙己亥八
月二十三日成都呂商隱周父書□有杜甫宅少
陵移居夔州郭詩伏枕雲安縣遷居白帝城春知
催柳別江與放船清農事聞人說山光見鳥情禹
功饒斷石且就土微平又入宅詩奔峭背赤甲斷
崖當白鹽客居愧遷次春酒漸多添花亞欲移竹
鳥窺新卷簾衰年不敢恨勝槩欲相兼又西閣詩
云西閣百尋餘中宵步綺䟽飛星過白水落月動
沙虛擇木知幽鳥潛波想巨魚親朋滿天地兵甲
少來書又夜宿西閣曉呈韋二十一曹長城暗更
籌急樓高雨雪微稍通綃幕霽遠帶玉繩稀門鵲
晨光起檣烏宿處飛寒江流甚細有意待人歸○
輿地紀勝云城東有東瀼水公孫述于水濱墾稻
田因號東屯東屯之田可得百許頃稻米爲蜀第
一郡給諸官俸廩以高下爲差帥曹月得九斗故
王龜齡詩云少陵別業古東屯一飯遺忠馭畝存
我輩月明官九斗須知粒粒是君恩□陸務觀高
齋記云少陵居夔三徙居皆名高齋其詩次水門
者白帝城之高齋也依藥餌者瀼西之高齋也見

一川者東屯之高齋也東屯李氏居已數世上距少陵纔三易主唐大曆初故券猶在杜甫從瀼西移居東屯詩白鹽危嶠北赤甲古城東平地一川穩高山四面同煙霜婁野日秔稻熟天風人事傷蓬轉吾將守桂叢又道北逢都使高齋見一川子能渠細石吾亦沼清泉枕帶還相似柴荆卽有焉斫畚應費日解纜不知年關者孫遊東屯詩呼舩度西瀼策馬行東屯猶有竹下屋依然柴作門林深多鳥雀山對有獠獫世隔券猶在堂非基自存稼雲迷曠野屏翠墮層軒土厚疑吾里溪清何處源殮英金有種飯粒玉爲根蘆筍戀春渚蕨芽蓄故園山名竊諸葛城榜爲公孫雲雨峽前夢琵琶山後村畱人惟野趣隔市絕塵喧白巽東屯行云雨足稻畦春水滿插秧未半青短短馬塵追逐下關頭北望東屯轉山坡一川洗盡峽中想遠瀟疎林分氣象溝塍漫漫堰源低灘瀨泠泠石磯響中田築塲亦有廬翬飛夏屋何渠渠李氏之子今地主少陵祠堂疑故居口劉昉東屯祥雲寺行記云紹興戊申正月中澣出郊勸農至東屯因落少陵故居祠堂之成聞祥雲寺後有瑞石歸路就往觀

之策杖行山澗亂石間踰里許石果異也事無大小必先難而後獲是日自東屯還過瞿塘已將暮任賓僚之去畱其同至者趙沂詠道文定國公才鄧高叔誼王鼎子新李驥元駿家茂秀實張聿述之朱齊卿醇甫李宗臣元慶楊譽時美真勝賞也劉昉方明書○魏書辛毗曰夔州百牢關兵馬不可越杜甫詩云中巴之東巴東山江水開關流其間白帝高爲三峽鎮夔州險過百牢關寧宇記云三鉤鎮在城東三里鐵鎖斷江山橫江亘張兩岸造舟爲梁施戰床於上以禦寇焉鎮居數溪之會故曰三鉤唐武德二年廢碑目云鑠水記碑字但紀官各有都押衙金吾大將軍白元曜等字後漢書岑彭攻江關偏將軍魯奇應募直衝浮橋攢柱有反把鉤奇舡不得去皆殊死戰因飛炬焚之始得入關○五代史後唐張武石照人仕王建爲破浪都頭大破高季興於夔以功陞鎮武軍節度使武常作鐵絙絕江中流立柵於兩端謂之鎖峽宋史太祖遣曹彬伐蜀示以地圖指鎖江曰我軍沂流至此慎勿以舟師爭勝中興小曆云景定五年守將徐宗武于白帝城下巖穴設欄江鎖七條長

二百七十七丈五尺五千一十股又有二鐵柱各六尺四寸刻徐宗武字○志云白帝城東十五里有勝已山以高出衆山之上也王十朋命名龜齡四月二十一日同運使周文查丈行香報恩精舍登佛牙樓觀勝已山望江流之險飯蔬啜茗而還因作詩云籃輿拂曉出東關鐘磬聲聞杳靄間心欲報恩頻入院人逢勝已更觀山竹香細細禪房靜江水渾渾野渡閒欲問漁人興與廢黃鸝隔葉語綿蠻劉儀鳳報恩寺詩序云寺有唐立夫題字云本晉鐵佛寺有像今徙它處而碑記無存者是日寺僧汲相國泉烹香山茶甚新因次韻奉呈安撫待制詩云晚途無力透空關佛土維畱草數間决去已曾盟白水重游仍欲任青山皇華詩句羞懷祿儒帥封章屢乞閒似我更宜歸計早雨簑煙艇學魚蠻碑目以夔州始興寺移鐵像記爲劉禹錫撰口唐文若報恩寺行記云紹興丙子七月峽中久不雨秋暑熾盛已巳晦連夕霧霈水復大漲余繫舟灘中杖策同二子輅軫來遊道人定觀迎謁欣然乃漢中舊識憇食方丈登佛牙閣愛其江山鮮明草木秀潤頓失三峽之陋寺本晉鐵佛院

距今八百禩屢易而不廢良有以也○寺產香山
茶因名香山寺黃魯直香山寺行記云太守高仲
本率南昌黃魯直墊江譚處道同來達水喬木僧
房高下景物清絕為夔路第一建中靖國元年二
月庚申微雨中來庭堅書○奉節巫山之間有天
池浸可千頃杜甫天池詩云天池馬不到嵐壁鳥
纔通百頃青雲杪層波白石中鬱紆騰秀氣蕭瑟
浸寒空直對巫山出無疑夏禹功魚龍開闢有菱
芡古今同飄零神女雨斷續楚王風聞道奔雷黑
初看浴日紅九秋驚雀序萬里狎漁翁更是無人
處誅茅任薄躬

蜀中曹學佺能始撰

夔州府

巫山縣

楚之郡秦漢之縣皆以巫名曰巫山自隋始治南

有山如其字也晉書置楚平郡于此○經云江水

四川名勝志卷之十八

片房申微雨中來處壁書○本節巫山之間有天
 池浸可千頃杜甫天池詩云天池馬不到嵐壁鳥
 籠通百頃青雲如曾波白石中鑿紆騰秀氣蕭瑟
 浸寒空直對巫山尚無疑夏禹功魚龍開闢有菱
 天古今同歌零神女雨漸續楚王風聞道奔雷思
 熟精茶玉蕪隈

四川名勝志卷之十九

閩中曹學佺能始撰

夔州府二

巫山縣

在府城東
百三十里

楚之郡秦漢之縣皆以巫名曰巫山自隋始治南
 有山如其字也晉曾置建平郡于此○經云江水
 又東烏飛水注之注云水出天門郡淩中縣界北
 流逕建平郡沙渠縣南又北流逕巫縣南西北歷
 山道三百七十里注于江謂之烏飛口本志云烏
 飛巖在縣西南四十里與燕子坡相對宋夔守王

十朋詩燕子歸期近吾今亦得歸鳥栖一枝穩何必更高飛自注云隔江有烏飛巖也○經云江水又東逕巫縣故城南注云縣故楚之巫郡也秦省郡立縣以隸南郡吳孫休分爲建平郡治巫城城緣山爲墉周二里一百一十步東西北三面皆帶傍深谷南臨大江故謂之夔國也寰宇記云梁武帝廢建平郡而巫縣存縣本夔子熊摯所治今多熊姓西北五十步有陽雲臺高一百二十丈南枕長江楚宋玉賦云遊雲陽之臺望高唐之觀晉孟康注曰言其高出雲之陽也本志云陽臺山下有土主廟其神卽唐張巡將雷萬春縣之跳谷人也史載令狐潮益兵圍雍丘巡使郎將雷萬春于城上與潮相問語未絕賊弩射之面中六矢而不動潮疑其木人使謀問之乃驚遙謂巡曰向見雷將軍方知足下軍令矣○陸游入蜀記云二十四日早抵巫山縣在峽中亦壯縣也隔江南陵山極高大有路如綫盤屈至絕頂謂之一百八盤蓋施州正路黃魯直詩云一百八盤携手上至今歸夢繞羊腸又減字木蘭花調云春水茫茫欲渡南陵更斷腸今有南陵渡矣志云廢南陵縣與陽臺相

對晉置劉宋廢基址存○碑目云漢鹽鐵盆記在
巫山縣黃太史石刻云余弟嗣直來攝邑事堂下
有大鹽盆有款識蓋漢時物也其末曰永平二年
晉栢温隸字碑亦在巫山嘉定癸未漕使王觀之
倂黃太史跋俱徙置漕解王漕又作跋語攷其文
爲晉周撫墓碑今不存○入蜀記云日晚遊楚故
離宮俗謂之細腰宮有一池亦當時宮中燕遊之
地今堙沒略盡本志曰楚宮在女觀山西畔小山
頂三面皆荒山南望江山奇麗務觀云又有將軍
墓東晉人也一碑在墓後跌陷入地碑傾前欲壓
字纔半存按此豈卽周益州墓耶○戰國策蔡靈
侯飲茹溪見莊辛幸臣論溪水流入城外五十步
東井志云東井在北城外茹溪俗名小溪也○經
云江水又東巫溪水注之注云溪水導源梁州晉
興郡之宜漢縣東入南逕建平郡泰昌縣南又逕
北井縣西溪水又南屈逕巫縣東縣東北三百步
有聖泉謂之孔子泉其水飛清潔石穴並高泉下
注溪水溪水又南入于大江王梅溪集云縣東半
里孔子泉其旁民居童子率能書詩云巫山亦有
泉可飲仍可祈泉傍人幾家聰慧多奇兒○經云

江水又逕琵琶峽本志云琵琶峰下女子皆善吹
笛嫁時群女子治具吹笛唱竹枝詞送之梁簡文
琵琶峽詩由來歷山川此地獨迴遭百嶺相迂蔽
千巖共隱天橫峯時礙水斷岸或通川還瞻已迷
向直去復疑前夕波照孤月山枝歛夜煙此時愁
緒密熒魂逝九遷○入蜀記云二十三夜泊清水
洞洞極深後門自山後出色黠闇水流其中鮮能
入者歲旱祈雨頗應權知巫山縣左文林郎冉徽
之尉右迪功郎文庶幾來按志清溪在縣東十里
○經云江水又東逕巫峽注云杜宇所鑿以通江
水也郭仲產云按地理志巫山在縣西南而今縣
東有巫山將郡縣居治無恒故耶三峽七百里中
兩岸連天略無闕處重巖疊嶂隱天蔽日自非亭
午夜分不見曦月至于夏水襄陵沿沂阻絕王命
急宣有時朝發白帝暮到江陵其間千二百里雖
乘奔御風不以疾也春冬之時則素湍淥潭迴清
倒影絕巘多生檉栢懸泉瀑布飛漱其間清榮峻
茂良多趣味每至晴初霜旦林寒澗肅常有高猿
長嘯屢引淒異空谷傳響哀轉久絕故漁者歌曰
巴東三峽巫峽長猿鳴三聲淚沾裳○峽中有十

二峰曰望霞翠屏朝雲松巒集仙聚鶴淨壇上昇
起雲飛鳳登龍聖泉其下卽神女廟范成大吳船
錄云下巫山峽三十五里至神女廟廟前灘尤洶
怒十二峯俱在北岸前後映帶不能足其數十二
峯各有名俱不甚切所謂陽臺高唐觀人云在來
鶴峰上亦未必是神女事據宋玉賦本以諷襄王
後世不察一切以兒女褻之今廟中石刻引壩城
記瑤妃西王母之女稱雲華夫人助禹驅神鬼斬
石䟽波有功見紀今封妙用真人廟額曰凝真觀
八蜀記云二十三日過巫山凝真觀謁妙用真人

祠真人卽世所謂巫山神女祠正對巫山峰巒止
入霄漢山脚直插江中議者謂太華衡廬皆無此
竒然十二峰者不可悉見所見八九峰惟神女峰
最爲纖麗竒峭宜爲仙真所託祝史云每八月十
五夜月明時有絲竹之音往來峰頂上峰頂猿皆
鳴達旦方止廟後山半有石壇平曠傳云夏禹見
神女授符書于此壇上觀十二峰宛如屏障是日
天宇晴霽四顧無纖翳惟神女峰上有白雲數片
如鸞鶴翔舞徘徊久之不散亦可異也祠舊有烏
數百送迎客舟自唐幽州刺史李貽詩已云群鳥

幸昨餘矣近乾道元年忽不至今絕無一鳥不知其故○經云江水歷峽東逕新崩灘注云此山漢和帝永元十三年崩晉太元二年又崩當崩之日水逸流百餘里湧起數十丈今灘上有石或圓如葦或方似屋若此者甚衆皆崩崖所損致怒湍流故謂之新崩灘其類崖所餘比之諸嶺尚爲竦桀吳船錄云自神女廟二十里至東奔灘高浪大渦巨扁掀舞不當一葉或爲渦所使如磨之旋三老挽招竿叫呼力爭以出渦矣○水經注云新崩灘下十餘里有大巫山非唯三峽所無乃當抗峰岷巖偕嶺衡嶷其翼附群山並槩青雲更就霄漢辨其優劣矣神血涂所處山海經曰夏后啓之臣曰血涂是司神于巴巴人訟于血涂之所其衣有血者執之是謂生居山上郭景純云在丹山西丹山在丹陽屬巴丹山西卽巫山者也又帝女居焉宋玉所謂天帝之季女名曰瑤姬未行而亡封于巫山之臺精魂爲草寔爲靈芝所謂巫山之女高唐之姬且爲行雲暮爲行雨朝朝暮暮陽臺之下且早視之果如其言故爲立廟號朝雲焉其間首尾一百六十里謂之巫峽蓋因山爲名也○金石古

文云巫山峰頂古篆乃秦時物邑人向萬云尚存
集古錄云神女廟唐李吉甫詩一首以貞元十四
年刻丘元素一首無刻石年月李貽孫二首會昌
五年刻敬騫一首元和五年刻沈幼真書其他皆
無書人名氏○漢樂府巫山高云巫山高高以大
淮水深難以逝我欲東歸害梁不爲我集無高曳
水何梁湯湯回回臨水遠望泣下沾衣遠道之人
心思歸謂之何齊王融巫山高云想像巫山高薄
暮陽臺曲煙霞乍舒卷蘅芳自斷續彼美如可期
寤言紛在矚憮然坐相思秋風下遶綠劉繪云高

唐與巫山參差鬱相望灼爍在雲間氛氲出霞上
散雨收夕臺行雲卷晨障出沒不易期嬋娟以惆
悵梁武帝云張樂陽臺歌上謁如寢如興芳晻曖
容光旣豔復還沒復還沒望不來巫山高心徘徊
元帝云巫山高不窮迴出荆門中灘聲下濺石猿
鳴上逐風樹雜山如畫林暗澗疑空無因謝神女
一爲出房櫳簡文云巫山七百里巴水三迴曲笛
聲下復高猿啼斷還續梁沈約云陽臺氤氳多異
色巫山高高上無極雲來雲去常不息夢來遊極
萬世度千秋虞羲云南國多奇山荆巫獨靈異雲

雨麗以佳陽臺千里思勿言可再得特美君王意
高唐一斷絕光陰不可遲梁費昶云巫山光欲晚
陽臺色依依彼美巖之曲寧知心是非朝雲觸石
起暮雨潤羅衣願解千金佩請逐大王歸范雲云
巫山高不極白日隱光輝靄靄朝雲去漠漠暮雨
歸崖懸獸無跡林暗鳥驚飛枕席竟誰薦相望空
依依王泰云迢遞巫山竦遠天新霽時樹交涼去
遠草合影開遲谷深流響咽峽近猿聲悲只言雲
雨狀自有神仙期陳後主云巫山巫峽深峭壁聳
春林風巖朝蕙落霧嶺晚媛吟雲來足麝枕雨過
非感琴仙姬將夜月度影自浮沈蕭詮云巫山隩
巫峽高高殊未窮猿聲不辨處雨色詎分空懸崖
下桂月深澗響松風別有仙雲起時向楚王宮隋
李孝貞云荆門對巫峽雲夢邇陽臺燎火如奔電
墜石似驚雷天寒秋水急風靜夜猿哀枕席無由
薦朝雲徒去來陵敬云巫岫鬱迢嶢高高入紫霄
白雲閒抱石玄猿迴挂條懸崖激巨浪脆葉殞驚
颿別有陽臺處風雨共飄飄唐盧照鄰云巫山望
不極望望下朝氛莫辨啼猿樹徒看神女雲驚濤
亂水脉驟雨暗峯文霑裳卽此地况復遠思君劉

方平云楚國巫山秀清猿日夜啼萬重春樹合十
二碧峰齊峽出朝雲下江來暮雨西陽臺歸路直
不畏向家迷鄭世翼云巫山凌太清岩巒顛削成
霏霏暮雨合靄靄朝雲生危峯入鳥道深谷瀉猿
聲別有幽栖客淹留攀桂情閻立本云君不見巫
山高高半天起絕壁千尋畫相似君不見巫山磕
匝翠屏開湘江碧水遶山來綠樹春嬌明月峽紅
花朝覆白雲臺臺上朝雲無定所此中窈窕神仙
女仙女盈盈仙骨飛清谷出沒有光輝欲暮高唐
行雨送今宵定八荆王夢荆王夢裏愛穠華枕席

初開紅帳遮可憐欲曉啼猿處說道巫山是妾家
喬知之云巫山十二峰參差互隱見潯陽幾千里
周覽忽已徧想像神女姿摘芳共珍薦楚雲何透
迤紅樹日蔥蒨楚雲沒湘源紅樹斷荆門郢路不
可見况復夜聞猿沈佺期云巫山峯十二合沓隱
昭回俯眺琵琶峽平看雲雨臺古槎天外倚瀑水
日邊來何忍啼猿夜荆王枕席開張九齡云巫山
與天近煙景常青熒此中楚王夢夢得神女靈神
女去已久白雲空冥冥惟有巴猿嘯哀聲不可聽
李白云江行幾千里海月十五圓始經瞿唐峽遂

步巫山巔巫山高不窮巴國盡所歷日邊攀垂蘿
霞外倚窮石飛步凌絕頂極目無纖煙卻顧失丹
壑仰觀臨青天青天若可捫銀漢去安在望雲知
蒼梧記水辨瀛海周游孤光晚歷覽幽意多積雪
照空谷悲風鳴森柯歸途行欲曛佳趣尚未歇江
花早啼猿松暝已吐月月色何悠悠清猿響啾啾
辭山不忍聽揮策還孤舟李端云巫山十二峰皆
在碧虛中迴合雲藏日霏微雨帶風猿聲寒過澗
樹色暮連空愁向高唐去清秋見楚宮張循之二云
巫山高不極合沓狀竒新暗谷疑風雨幽巖若鬼

神月明三峽曙潮滿二江春爲問陽臺客應知八
夢人李沈云沒天心開地脉浮動凌霄拂藍碧襄
王端眸望不及似睹瑤姬長歎息巫粧不治獨西
望暗泣紅蕉抱雲帳君王妬妾夢荆宮虛把金泥
印仙掌江濤迅激如相助十二儻龍怒行雨崑崙
謾有通天路九峯正在天低處李賀云巫山叢碧
高插天巴江翻瀾神曳煙楚魂尋夢風颺然晚風
飛雨生苔錢瑤姬一去一千年丁香筇竹啼老猿
古祠近月蟾桂寒椒花墜紅濕雲間盧象云高唐
幾百里雲樹接陽臺晚見江山霽宵聞風雨來雷

從三峽起天向數峰開靈境信難見輕舟那可廻
皇甫冉云巫山見巴東迢迢出半空雲藏神女館
雨到楚王宮朝暮泉聲落寒暄樹色同清猿不可
聽偏在九秋中戴叔倫云巫山峩峩高插天危峰
十二陵紫煙瞿塘嘈嘈急如絃洄波波逆將覆船
雲梯豈可進百丈那能牽陸行巉巖水不前灑淚
向流水淚歸東海邊含愁對明月明月空自圓故
鄉回首思綿綿側身天地心茫然孟郊云巴江上
峽重復重陽臺碧峭十二峯荆王獵時逢暮雨夜
計高丘夢神女輕紅流煙濕艷姿行雲飛去明星

稀目極魂斷望不見猿啼三聲淚滴衣陳陶云玉
峰青雲十二枝金母和雲送瑤姬花宮磊珂楚宮
外列仙八面星斗垂秀色無雙怨三峽春風幾夢
襄王獵青鸞不在嬾吹簫斑竹題詩寄江妾飄飄
散絲巴子天苔裳玉轡紅霞幡歸時白帝掩青瑣
瓊枝草草遺湘煙羅隱云下壓重泉上千仞香雲
結夢西風緊縱有精靈得往來旣輒鼉軒亦顛隕
嵐光雙變雷隱隱愁爲衣裳恨爲鬢暮灑朝行何
所之江邊日月情無盡珠零冷露丹墮楓細腰長
臉愁滿宮人生對面猶異同况在千巖萬壑中宋

蘇軾云瞿塘迤邐盡巫峽崢嶸起連峰稍可怪石
色變蒼翠玉工運神巧漸欲作奇偉塊比勢方深
結構意未遂旁觀不暇瞬步步造幽邃蒼崖忽相
逼絕壁凜可憐仰觀八九頂俊爽凌顛氣晃蕩天
宇高崩騰江水沸孤超死不讓直拔勇無異攀緣
見神宇憇坐就石位巉巉隔江波一一問廟吏遙
觀神女容綽約誠有以俯首見斜鬟拖霞弄修帔
人心隨物變遠覺含深忌野老笑吾旁少年嘗屢
至去隨猿猱上反以繩索試石筍倚孤峰突兀殊
不類世人喜神怪論說驚幼稚楚賦亦虛傳神仙

安有是次問掃壇竹云此今尚爾枝葉紛下垂婆
娑綠鳳尾風來自偃仰若爲神物使絕頂有二碑
詰曲古篆字老人那解讀偶見不能記窮探到峰
背採斫黃楊子黃楊生石上堅瘦紋如綺貪心去
不顧澗谷千尋絕山高狼虎絕深入坦無忌洪濛
草樹密蔥蒨雲霞膩石竇有洪泉甘滑如流髓終
朝自盥漱冷冽清心胃浣衣挂樹梢磨斧就石鼻
徘徊雲日晚歸意念城市不到今十年衰老筋力
憊當時伐殘木牙槩已如臂忽聞老人說終日爲
歎喟神仙固有之難在忘勢利貧賤爾何愛棄去

如脫屣嗟爾若無還絕糧應不死王安石云巫山
高十二峰上有往來飄忽之猿狖下有出沒澗澗
之蛟龍中有倚薄縹緲之神宮神人處于冰雪容
吸風飲露虛無中千歲寂寞無人逢邂逅乃與襄
王通丹巖碧嶂深重重白日如日明房櫳象牀玉
几金芙蓉陽臺美人多楚語只有纖腰能楚舞爭
吹鳳管鳴鼉鼓那知襄王夢裏事但見朝朝暮暮
長雲雨范成大云濕雲不收煙雨霏峽船作灘梢
廟磯杜鵑無聲猿叫斷惟有饑鴉迎客飛西真功
高佐禹跡斧鑿鱗皴倚天壁上有瑤簪十二尖下

有黃湍三百尺蔓花蚪木風煙昏蘚佩翠帷香火
寒靈旂飄忽定何許時有行人開廟門楚客詞章
元是諷紛紛餘子空嘲弄玉色頽顏不可干人間
錯說高唐夢○唐王無競巫山神女廟詩神女向
高唐巫山下夕陽徘徊作雲雨婉變逐荆王電影
江前落雷聲峽外長霽雲無處所臺館晚蒼蒼劉
希夷云巫山幽陰地神女艷陽年襄王伺客色落
日望悠然歸來高唐夜金缸焰青煙頽想卧瑤席
夢魂何翩翩搖落殊未已榮華倏徂遷愁思瀟湘
浦悲涼雲夢田猿啼秋風夜雁飛明月天巴歌不

可聽聽此益潺湲張九齡云_一庭樹日衰颯風霜未
云_一兄駕言遣_一思乘興求相似楚國茲故都蘭臺
有餘址傳聞襄王世仍立巫山祀方此全盛時豈
無嬋娟子色荒神女至魂蕩宮觀啓蔓草今如積
朝雲爲誰起_一崔塗云_一雙黛儼如頰應傷故國春江
山非舊王雲雨是前身夢覺傳詞客靈猶福楚人
不知千載後何處又爲神_一溫庭筠云_一黯黯閉宮殿
森森陰薜蘿曉峯眉上色春水臉前波古樹芳菲
盡扁舟離恨多_一叢斑竹夜環珮響如何_一張子容
云_一巫嶺岩巖天際重佳期宿昔願相從朝雲暮雨

連天暗神女知來第幾峰李羣玉云_一寂寞高唐別
楚君玉人天上逐行雲停舟十二峰巒下幽佩仙
香半夜聞_一又云_一廟閉春山曉月光波聲四合樹蒼
蒼自從一別襄王夢雲雨空飛巫峽長_一王周云_一廟
前溪水流潺潺廟中脩竹聲珊珊襄王一夢杳難
問晚晴天氣歸雲閑_一李商隱云_一巫峽迢迢舊楚宮
至今雲雨暗丹楓浮生盡戀人間樂只有襄王憶
夢中_一又云_一非關宋玉有微詞自是襄王夢覺遲一
自高唐賦成後楚天雲雨盡堪疑_一胡曾云_一楚國城
池颯已空陽臺雲雨過無蹤何人更有襄王夢寂

寂巫山十二重劉禹錫云巫山十二鬱蒼蒼片石
亭亭號女郎曉霧乍開疑卷幔山花欲謝似殘粧
星河好夜聞清佩雲雨歸時帶異香何事神仙九
天上人間來就楚襄王曹松云巫山蒼翠峽通津
下有仙宮楚女真不逐綵雲歸碧落卻爲暮雨撲
行人年年舊事音容在日日誰家夢想頻應是荆
山留不住至今猶得覩芳塵劉滄云十二峯嵐挂
夕暉廟門深閉霧煙微天高木落楚人思山迴月
殘神女歸觸石晴雲凝翠鬢度江寒雨濕羅衣嬋
娟似恨襄王夢猿叫斷崖秋蘚稀韋莊云亂猿啼

處訪高唐路入煙霞草木香山色未能忘宋玉水
聲猶似哭襄王朝朝暮暮陽臺下爲雨爲雲楚國
亡惆悵廟前無限柳春江空闕畫眉長宋蘇軾云
大江從西來上有千仞山江山自環擁恢詭富神
姦深淵鼉鼉橫巨壑蛇龍頑旌陽斬長蛟雷雨移
蒼灣蜀守降老蹇至今帶連環縱橫若無王蕩逸
侵人寰上帝降瑤姬來處荆巫間神容豈在猛玉
座幽且閑飄簫駕風馭弭節朝天關倏忽巡四方
不知道里艱古粧具法服遠殿羅煙鬟百神自奔
走雜沓來趨班雲興靈恠聚雲散鬼神還茫茫夜

潭靜皎皎秋月彎還應搵玉佩來聽水潺潺蘇轍
云山中廟堂古神女楚巫婆娑奏歌舞空山日落
悲風吹舉手睚盱道神語神仙潔清非世人瓦盎
傾醪薦麋脯子知神君竟何自西方真人古王母
飄然乘風遊九州竭渡西海薄中土白雲爲車駕
蒼虬驂乘襄王處姬御天孫織綉素非素衣裳飄
颻薄煙霧泊然冲虛自無營朝飡屑玉嚙瓊乳下
視人世安可擬超江乘山去無所巫山之下江流
清偶然愛之不能去湍岸激作相喧豨白花翻翻
龍正怒堯使大禹導九川石墮山墜幾折股山前

恐懼久無措稽首山下苦求助丹書玉笈世莫窺
指示文字相爾汝擘山洩江幸無苦庚辰虞余寔
相禹功成事定世莫知空山俄頃千萬古廟中擊
鼓吹長簫採蘭爲殮蕙爲肴玉缶薦芟香飄蕭龍
勺取酒注白茅神來享之風飄飄荒山長江何所
有豈有瓊玉薦沘寥神君聰明無我責爲我驅獸
攘龍蛟乘船入楚泝巴蜀瀆漩深惡秋水高歸來
無恙無以報山上麥熟可作醪神君尊貴豈待我
再拜長跪神所多范成大云凝真宮前十二峰兩
峰娟妙翠插空餘峯競秀尚多有白壁蒼崖無數

重秋江漱石半山腹倚天削鐵荒行蹤造化鍾奇
蠢瑤巖真靈擇勝深珠宮朝雲未罷暮雲起陰晴
竟日長冥濛瑤姬作意送歸客一夜收繚乃回風
仰看館御飛檝過回首已在虛無中惟餘烏鴉作
使者迎船送船西復東吳宗旦云長江出蜀初入
荆巫山十二開翠屏雲華夫人王母女東朝海若
窺滄溟金銀宮闕照水府瓊壁瑤楹侔帝廷江靈
河伯隨班立龍女僊娥傍輦迎眼看日卿出暘谷
身乘氣躋返金城玉樓一似巫峰起颼輪略爲巫
峰停鴻濤沃天帝憂頽重瞳殛鯀禹嗣興悲風撼

石從空落蒼崖自裂無人擎水工叫嘯愁白日狐
臣涕泣哀蒼山兩山攢束一遇聖心驚目駭遙乞
靈傳呼侍女詔侍從指授神策驅神兵黃魔披髮
導狂翳童律掉舌同虞庚朝雲暮雨滿空碧飛鶴
游龍翔太清卻疑魑魅逞妖怪披文寶鼎防依憑
律前面對鬼神問禹乃悟見虛空形昔師三元授
素書今領玄教居玉瑛寔號雲華上宮主亦是西
華少陰精在人爲人人莫識在物爲物物莫名了
知真仙次于聖力披惘欸祈扣肩樓臺縹緲疊雲
玉觀闕截嶮飛瑤瓊抱關師子蚪綵髮啓途天馬

垂朱纓靈官仙童澹容與毒龍猛獸光晶熒瑤臺
燕坐凝玉質龍袞拂地傳真經汝功汝能幸及物
曰希曰夷猶未聆欲超大海颺爲馭欲度飛沙雲
作輶沙高無輶路將絕海濶無馭空難騰寶書吾
來自寥廓伏讀汝可叱幽冥出入水火縛虎豹倒
插五星呼六丁回眸笑指丹玉笈素手捧出容華
綾水行乘舟山乘櫟巨石自擘川自平龍蟠蛇結
除毒螫巢穿穴堦蘇藜蒸山形半破餘斧迹鬼工
斲鑿非人程玄圭帝錫彰水德真人號位居紫庭
重瞳薦天付大寶上日若帝仍百齡藤蘿歲長蔭

古廟梅梁晝飛縻鐵繩峽祠萬里跨江漢血食千
秋如弟兄遂封真人行極妙遠配夏后功相仍云
何肯入楚王夢作賦翻令宋玉矜廣寒羿姬月色
瑩藐姑處子雪肌輕月關嬋娟窺繡戶雪呈體態
入疎櫺身行天上渺無迹夢到人間容有情前賢
撫寶言語妙今我復以歌詩鳴晴嵐空翠不改色
迴流穠水長相縈剪刀剪雲向空任掃竹掃葉隨
風零仙人裘冠上玉砌仙女舉被搖金鈴衆峰翼
張浮翠葦國手圖書傳丹青數從黃冠拜行殿甫
逐祝史祠郊坰當堦文石白珞珞入門青蓋高停

亭元臣授策功照耀小儒學道心精誠願聞秘訣
換凡骨遷參律輩騎長鯨唐韜云楚澤隱巫山翠
壁開鴻濛萬流束長峽怒浪日簸春朝暉澹高唐
巖阿闕彤宮罍思散煙霞榮光繞長虹恭聞雲華
君少陰體冲融受道紫清闕飛化凌三空徜徉江
海上千騎馳蒼龍羽節回天津央央弭層峯悽惻
下土人昏墊無所容寶書授神禹百靈倏奔從蛟
螭委鞭策山川奠西東九州至氣黃寒與聖世功
差余晚聞道蓬心蔽空侗維舟垂崖邊再拜望遺
蹤隣响山頭石雲衣尚溶溶縹緲玉瑛臺如在指

願中童律不可問至言誰擊蒙仰首天壇下松檜
回悲風宋德之云靈均媿處姬喻意非法語粵若
古高辛先禽委娥女兩美冀必合參差會成阻女
生願有家士仕期致主德協斯服從禮失那得取
弟子頗自異昔契今齟齬依然憐讒嫉正爾困狎
侮邈探姑射機轉弄離騷杼冥心古先后矯志雲
外侶上述懷世知潔身幸親附中言天淵亘廣遠
萬物祖矧茲德不逮開聖足自輔進犧來羨門禱
室界公聚太一禮既接神人儻相遇卒之志莫原
頰怒辭稱遽顛倒失所依闇暝不知處忠賢代所

昧妙麗衆目睹微辭孱王惑說夢癡人誤高真秉
元化昏墊閔下土平成啓文命臨降枉飛馭在楚
俗則然借秦良自喻陳思懷抑鬱敏識殆天付感
此致意深濟洛獨擬賦處姬洎重出鏤枕猶妄語
騷詞信非經傳者無寡趣真游結習盡體道棲純
素亟除魔魅想母重龍兒怒共罄拯民心塗人可
爲禹范子長云峽山多奇峰擢秀推二六雲容矗
天宇岡脉蟠地軸晨暉照粉黛宿雨留膏沐岷江
寄徑來一帶幾縈曲巖隈着叢祠瑤席蔭嘉木古
初奉帝命福地任司牧疏鑿佐夏后鬼神受要束

洪流建滄海明德被全蜀陋哉兒女見幽獨在空
谷甚者雕蟲人綺語誑流俗女媧補天手相望繼
高躅難以形色求矧乃夢寐瀆九章述明祀千載
起祇肅若爲女岐事天問綴篇牘靈均尚好奇何
怪門人玉杖藜欵祠宮采芹薦清馥斐章固無取
聊以諭巫祝何麒云舟師告我巫山下不見圖經
聞古語廟嘶白馬舞黔烏壁掛朱猿穴蒼鼠可憐
巫子分毛鬣豈有神仙飽葷茹我然沉木薦寒泉
作送迎章沐雲雨又云玉虬旖旎懷全楚羽帳淋
漓笑神女去去來來刺史詩朝朝暮暮高唐雨塵

埋蘚漬墉城錄斷石爛斑讀空廡肅然生敬攝邪
心云是瑤姬曾佐禹冉居常云朝雲夕雨自虛無
玉笈親傳昏墊初夏后已通三峽水巴人誰省九
天書煙巒杳杳藏旌仗江月沉沉想珮裾千古文
章愁宋玉可無一字及其魚口吳世延十二峰詩
望霞峰云披圖占聖謁雲華初見靈峯冠彩霞拂
拭塵容開眼膜舟人指點到仙家翠屏峰云四合
藤蘿羽葆垂遠煙蒙覆畫屏圍青冥向上凝神望
似叩天關第一扉朝雲峰云清晨縹緲結層陰掩
映真靈洞府深不是名書丹玉笈上清宮闕若相

尋松巒峰云無名草木易彫零獨立盤雲偃蓋青
任是雪霜深蔽翳也應根抵有精靈集仙峰云左
隣白帝右紅崖中有瑤池阿母家笑飲蟠桃丹樹
下一杯時興醉流霞聚鶴峰云方憐病羽困樊籠
仰見胎禽唳遠空明月不知緱嶺夜一聲聲入白
雲中淨壇峯云巍巍盤石拔天成拂拂脩篁助潔
清一息齋宮渾不寐九霄聞徹步虛聲上昇峰云
蓬萊方丈濶滄溟高揖松喬此得明白日青天殊
不遠瑤臺玉闕一層層起雲峰云油然膚寸起叢
霄變化須臾雨沈寥舒卷無心神莫測去來誰謂

帝鄉遙栖鳳峰云碧梧脩竹翠微間刷羽朝陽不可攀寄跡雲林飛有處會巢阿閣邇天顏登龍峯云三分泉下九淵深直上青螺碧玉林恠得風雲長庇護有時飛作旱天霖聖泉峰云白崖一注瀉青雲練帶榮迴玉溜奔醜毒宴安人不覺誰知此物養靈根袁說友巫山十二峯云平生磊塊山林姿一丘一壑貪成癡寸峰拳石瞥眼過張皇攫覓惟憂遲東南佳山多秀麗就中所欠雄與奇飽聞巫山冠巴峽奇峰十二相參差昔年圖畫嘗一見欲見此山無路之扁舟西泝上三峽千巖萬壑爭

追隨終朝應接已不暇心目洞駭俱忘疲驀然鉦鼓高唐上峰巒二六排旌旗一峰霞彩洞在望一峰展翠開屏帷無心出岫雲吐色偃蓋平巒松並枝仙蹤鶴駕羽衣近壇石瑤臺閭闔低白雲一起鳳凰下清泉四合蛟龍嬉羣峯角立變態異一一大巧乾坤爲外堪擊拊試聲律中含造化分四時天下名山亦多矣未有列岫奇如茲閻伯敏十二峰詩望霞峰云東皇君來流曉霞暮看西北王母家雲華夫人王母女肯爲廟食留三巴翠屏峰云秋山黃落春山青不識仙家雲錦屏六銖天衣下

拂石香風馥郁朝真亭朝雲峰云山頭行雲自朝
朝陽臺暮色連雲霄朝來暮去變雲雨送老行客
無回橈松巒峯云舟船搖搖大巫前松間絲蘿望
纏綿屏風角轉恰匝背心在山頭人倚船集仙峯
云綠蓑鞋緊青行纏束薪緼火開山田雲間仰聽
仙佩響蓬鬢拂掠燒畚煙聚鶴峰云望夫石女春
復秋巴歌楚舞隨遨頭夜深九臯清喚響仙禽亦
替離人愁淨壇峰云山頭枝枝竹掃壇舟子竹枝
歌上灘炷香上廟擲杯玳但乞如願舟平安上昇
峰云黃魔白馬功告成雲華夫人朝玉京禹王夏

后引音節高低峽船搖櫓聲起雲峰云釵頭嫋娜
山花枝裙尾舊纈山麻衣朝隨雲起采薪去暮趁
女伴穿雲歸栖鳳峰云山頭鳳鳴來其凰山前家
家背鳳筐竹花結實未忍食刀畊火種五里香登
龍峰云散而成章合爲龍回風混合游鴻濛舟人
上下神女供俗粧鉛粉臙脂紅聖泉峰云靈源一
派瑤池分灑落掉石隨東奔楚人但愛香溪水溪
邊爲有昭君村

梁山縣

在府城西
六百里

邑名高粱又曰都梁皆因山也寰宇記云高粱大

山在縣北四十里東尾跨江西首劔閣凡數千里
山嶺長峻其峰崔嵬于蜀市望之若長雲垂天須
窮日行乃極其頂俯視衆山泯若平原劔閣銘所
謂巖巖梁山積石峩峩者也○輿地紀勝云都梁
山又名高都在縣治北十五里舊有高都驛乃天
寶進荔枝之路山壤腴而黃其民多業種薑○郡
國志云水漢胸臆縣地後魏廢帝分胸臆置魚泉
縣今縣又分自魚泉者魚泉以丙穴嘉魚爲名尋
江源記云丙穴有嘉魚其味甚美穴水出栢枝山
距今縣東南十五里○五代僞蜀于梁山縣置務

日石民屯田務宋開寶初上蒙石虎贊納庄田八
所遂廢田務移縣于此因陞爲軍劉煥題名序曰
稻田蕃廩常多豐年矣○紀勝云垂雲樓在子城
之北左瞰萬石右倚東山景物竒麗峽中未有又
有瑞豐亭陸務觀詩峽中地偏常苦貧政令愈簡
民愈淳本來無事只畏擾擾者才吏非庸人都梁
之民猶無苦須晴得晴雨得雨父老羅拜豐年賜
縱產芝房非上瑞○方輿勝覽云峰門山在治東
十五里其山高頂有寒泉兩壁對峙如門故名
又五里爲蟠龍山孤峙秀傑突出衆山之上下有

二洞洞有二石龍首尾相蟠故名旁曰噴霧巖洞中之泉下注懸巖約二百餘丈噴薄如霧張無盡留題云水味甘腴偏宜煮茗非陸羽莫能辨范石湖以爲天下瀑布第一有飛練亭與之相對舊取徐凝詩句東坡以爲惡乃易名飛雪亭蓋歐陽公所稱六月飛雪灑石砭也涪翁飛雪亭詩云自荆入蜀路險絕黑猿聲中膽欲折萬州江頭舍舟楫又趣擔簦窮岌業危磴連雲如積鐵亂石砭足十九跌僕夫流汗馬止舌遙望盤龍挂天脅懸瀑落崖噴霏屑中間有亭曰飛雪十里陰風寒入髮人

言此地無六月呼取大斗酌甘潔一顧令君消內熱在以壬子歲再過此作詩云春水三年別寒聲十里聞鶯花流出洞樹石掛成文有意同高潔無心作使君前車行度險余且坐斜曛□蟠龍洞古碑云張卞爲蜀將先主攻固陵諫不聽乃入山修真遇樵叟自稱鴟夷人授之丹訣得道○碑曰云舊梁山驛碑在治東四十里耆舊相傳李唐時有白虎蛟龍爲民害民至遷居以避韓昌黎嘗按部經行二害乃去作碑識之今名其地爲碑切碑猶存于溪側字漫滅不可復識又有唐碑題云令長

新誠之記乃明皇御製梁山令尹茂元得于萬州
守河東裴公而刻之蓋大中十年也嘉定丁卯郡
守李錫移于軍治其詞云我求令長保又下民民
之不安必有所因侵漁寢廣賦役不均使夫離散
莫保其身徵諸善理寄爾良臣與之革故政在維
新調風變俗背僞歸真教化爲先惠卹于貧無小
無大必躬以親青旌勸農孰不攸遵曷云被之我
澤如春此碑在舊驛中今不存○勝覽云書院峽
在治東五十里峽石市之北每風雨冥冥如聞讀
書聲故其中有夫子崖子貢填峽下有夫子坐卧

石塔按夫子子貢未嘗至蜀此必附會之說○寒
泉洞在治西龍鎮十里許有洞出泉甚冽故曰寒
泉又十里爲赤牛山山下赤牛城設焉石刻宋淳
祐二年上元落成週三百六十步敵樓百四十三
座四門各有題識城隅覺林院之東有一石龕琢
爲大悲七二手皆有所執又有廢設壇壝將臺
基址猶存○縣西五十里多喜山時有神光現見
之多獲喜事故名陳希夷在此修煉丹爐石枕俱
存有雌雄泉春夏左盈右竭秋冬左竭右盈古誌
識云東有飛龍西有赤牛文必拜相武必封侯按

飛龍卽蟠龍山赤牛卽牛頭寨也侯張卞至唐時始封廣澤侯而張商英以宋熙寧間拜相云○金鳳山距治五十里楊市之北其山之南半崖有罅邃然內皆洞明其石上有若圖仙女狀面貌儼然時若動搖迫而視之則不見○又二十里爲落雲潭常有雲覆其上他日漁者拋網得一石老君像自此不復有雲氣像在永安市民冉氏園中背有字曰天漢二年刻○石瓦山在縣西百一十三里山巔有古人礪刀劍亂石如積瓦焉山下有古欄檐蹤迹屈曲以至于頂乃極平坦畊者往往得古

銅片○寰宇記云逢溪山在縣南八十步其水西南流入忠州桂溪縣界浮蘭碑載梁山軍忠州兩界舊有漢刻石署白虎夷王姓名今其上刻漢時官屬及白虎夷王等姓名尚有可攷又金石古文載有五大夫碑在梁山軍界上字雖漫滅然乃漢隸也○夷堅雜錄云梁山有漢武帝廟至今祭者往往有一二百蝴蝶降祠所享其食近之不驚徹饌然後羣去時謂武帝侍從捉之者必致病按常璩云益州刺史毀蜀中山川神祠取其松栢爲舟船惟不毀漢武帝祠則蜀之祠武帝久矣○紀勝

云梁山呂休藏家高崖峭絕半腹有一穴漢赤眉之亂邑人呂氏家貲巨萬鑿石以居寇不能近後舉家終焉宋紹熙中有樵夫得一券于崖側非銅非鐵其聲鏘然上有古篆云西漢之末赤眉邂逅黃金千兩坑埋而走羔豚十祭其財自阜今藏所猶存

萬縣

在府城西
四百十里

梁置萬州于宣漢縣以其地有萬頃紀數也蜀漢之南浦縣後周之萬川郡矣○華陽國志巴東郡南浦縣在郡南三百里晉初置王夷又云晉武帝

平吳之後巴東省羊渠置南浦按南浦在今縣南岸蜀志建安二十一年先主分胸臆之東南界立當縣故其西四里天子城相傳昭烈駐兵于此常璩所云小石城是也三面峻壁惟山後長延一脊容徑尺許累石爲門○平渠漢縣也縣西五十里羊飛山相傳有道人令童子牧羊戒使勿放一日童子放之其羊冲天而去按蜀鑑羊飛山下有羊渠縣卽此○縣南百二十里又有廢武寧縣後周建德所立唐王周過武寧縣詩云行過武寧縣初晴物景和岸迴驚水急山淺見天多細草濃藍潑

輕煙足練拖晚來何處宿一笛起漁歌○輿地紀勝云武寧縣西一里許旌陽舊宅卽今之白鶴寺也宋大章未嘗讀神仙傳疑而不信新都宰張澤語之曰許遜本潭人曾任蜀之旌陽令雅顧此山因有別業亦何疑乎○一統志載縣西百里有水樞山昔大禹治水過此見衆山漂沒惟此山水樞不動故名按寰宇記木樞山在武寧縣東南十三里山頂有池淺深隨江水漲減以地里合之是矣○水經曰江水又東逕瀼塗而歷胡灘又東逕界壇注云是地巴東之西界益州之東界也按瀼塗

驛在當縣南六十里江中有石似胡人名曰胡灘飛瀑湍流其勢險急杜少陵詩不是胡灘者此矣亦今上下川東之界也寰宇記載漕溪瀼塗之間有石如筍亭亭而立凡十數丈舟行過之恫目焉○經云江水又東南會北集渠注云二溪水涪陵縣界謂之于陽溪北流逕巴東郡之南浦僑縣西溪夾側鹽井三口相去各數十步以木爲桶徑五尺燒煮不絕水北流注于江謂之南集渠口亦曰于陽溪口北水出新浦縣北高梁山分溪南水逕其縣西又南一百里入胸臆縣南入于江謂之

北集渠口別名班口又曰分水口胸臆尉治此按
分水驛在當縣西南八十里此水由天生橋而過
橋在州西苧溪上乃一巨石自然成橋長與溪等
平濶如履平地溪流出其下經云江水又東逕石
龍水至于博陽二村之間有盤石廣四百丈長六
里而復始于咀塞江川夏沒冬出基亘通渚按卽
縣西之盤龍磧也江岸中又有黃金沱蛾眉磧古
練石皆以形似得名古練巖有隋朝寶像記○太
白巖在西山上去縣三里有絕塵龕三字在石壁
字體清勁顛晉宋間人書有唐人詩刻相傳以太

白讀書于此巖下有池宋郡守馬元穎曾有開所
鑿廣一畝植以芙蓉荔枝雜果凡三百本有勒封
院黃魯直記云迤堅蒙恩東歸道出南浦太守高
仲本置酒西山寔與其從事譚處道俱來西山者
由亭西渡大壑稍陟山半松栢蒼翳水泉潄爲大
湖郡榭環之有僧舍五區其都名曰勒封院樓觀
重複出沒煙霏之間而光影在水邦之人歲修禊
事于此凡夔州一道東望大壑西盡郛林泉之
勝莫與南浦爭長者也寺僧文照喜事作東西二
堂于茂林脩竹之間仲本以爲不奢不陋冬燠而

夏涼宜于游觀也建中靖國元年二月辛酉江西黃魯直題張俞宴萬州西山池亭東魯使君詩西嶺鬱盤紆寒泉注原隰下有乖龍池何年此殊極復爲鼉鼉據亂我清泉色松榦已交推石牙空鬪立魯侯獨窮勝公暇日尋陟蕩滌潢汗流宛如疏鑿力池光復涵徹萬象如鏡八亭觀出浮雲彤彤映邦域左右浮屠宮巋然爭業岌昔乃荆棘荒今爲蕙蘭襲密樹低華陰嘉禽弄文翼使君池上宴何減襄陽習○過西山逶迤里許爲岑公洞在大江之南廣六十餘丈深四十餘丈石巖盤結若華

蓋左右方池有泉涌出巖簷遇盛夏注水如簾松篁藤蘿鬱葱蒼翠真神仙窟也圖經云岑公名道願本江陵人隋末避地隱此巖下百餘歲肌膚若冰雪積二十年尸解去至唐宋間封以冲妙大師虛鑿真人之號唐刺史馬冉詩南溪有仙澗咫尺非人間泠泠松風下日暮空蒼山宋趙善贛詩真人邈何之恍忽不可見洞居獨嵌空壁留明珠濺藤蘿含溟濛竹栢鬪葱蒨至幽合人心遠翠落江面野老乘籃輿使君肆清燕日影砌下倒雲谷坐間變大木巖欲傾邃壑路微轉崢嶸施屏風點綴

成彩綉雖云急行樂勝賞殆亦遍欲歸重盤旋拂
石看古篆郭印詩岑公來避世甲子十周年夏屋
虛巖豁神芝結藥懸木喬從古種香杳至今傳學
道能堅恐何人不得仙徽宗政和五年四月二十
一日幸徐常廬因念逾期未歸信筆立成一絕可
知常詳茲眷意庶速西上也詩云人生何事厭囂
塵汎宅浮家冬復春今日暫來猿鶴語他年應召
白雲人黃進堅建中靖國元年三月萬守高仲本
宿約遊岑公洞夜雨達旦戲贈小詩云肩輿欲到
岑公洞正怯衝泥傍險行應是岑公闕清境春江

一夜雨連明范仲輔詩石壁虛涵雲氣深水簾款
款墮瓊琳客來但愛幽棲好誰識岑公萬古心趙
希混詩自有煙雲護石扉更深曉色近清暉巖前
老檜吟風處似請仙翁化鶴歸碑曰云岑先生
銘唐嚴挺之撰開元二年立又有段文昌銘貞元
三年四月十五日立口萬州虛鑿真人贊朝請大
夫知襄州軍州兼管內勸農事提舉房隨郢州兵
馬巡簡公事柱國借紫岑象求撰陽翟李廌書丹
南京進士戚達題額奉議郎權知萬州軍州兼管
內勸農事武騎尉賜緋借紫蓋休景立石于元符

元年宣和中道君皇帝御書萬州妙迓觀岑洞碑
紹興二十八年二月朔右朝請大夫權發遣萬州
軍州主管學事兼管内勸農借紫臣李莘民述記
冲妙大師前勅差克萬州道正主管教門公事賜
紫臣冉通明立石已上諸碑佷以癸丑歲二月歸
舟遍訪而搨之○圖經云峽中漢刻少今萬州報
恩寺有碑高伍尺乃漢桓帝延熹間所刻石凡百
餘字土人謂之宜子碑○縣西南三里壽寧觀有
唐太宗明皇銅真像治北集虛觀有唐垂拱時碑
○萬利廟碑有白刺史題名記宋開寶二年九月

白迓誨重修○大雲寺碑有唐僧圓澤傳及元和
間萬州守李裁書○聖業院碑在周溪大江之濱
三生石旁爲蘚所封可見者咸通三年壬子歲十
一月建十餘字按周溪在縣東四十里忠義傳載
李源道人再生事詩云三生石上舊精魂賞月吟
風不要論慚愧情人遠相訪此身雖異性常存又
身前身後事茫茫欲話因緣恐斷腸吳越山川已
尋遍却迴煙棹下瞿塘冷齋夜話云此僧贊寧所
記東坡以爲卽圓澤也○經云江水又東彭水注
之水出巴渠郡獠中東南流逕漢豐縣東清水注

之水導源西北巴渠縣之巴嶺南獠中即巴渠水也西南流至其縣又西入峽檀井溪水出焉又西過山至漢豐縣東而西注彭溪謂之清水口彭溪又入逕胸臆縣西六十里南流至于江謂之彭溪口按在今縣東八十里巴陽驛是俗名小江舊小彭驛設焉紀勝云小彭驛邊有二石虎高五尺各有四翅石刻詩云巍巍二虎一塵氣巨石鑄成尚有痕只此也須防夜箭灞陵恐過李將軍蓋一尉題俗稱石麒麟云

雲陽縣

在府城西一百七十里

宋張顥紀形勝云東有瞿塘西有縉雲以其在縉雲山之陽也縣名取焉本胸臆舊縣地後周始為雲安縣宋置軍監于此元改今名○經云江水又東右逕胸臆縣故城南注引常璩曰縣在巴東郡西二百九十里縣治故城跨其山阪南臨大江之岸有方山山形方峭枕側江濱矣輿地紀勝胸臆城本漢縣在萬戶城西固陵集載李燾胸臆記云余泊州雲安之西三十里萬戶驛下橫石灘上土人云今驛之左右則胸臆故城也仁父又有曲水留題云或言雲安之西三十里許有自然曲水閨

月甲子朔泊舟橫石灘上携子屋至塾壁壘及劉甥卞子道子步訪之水極浚急不可流觴崖巔有永和三年及六年刻字十五六行剝落已不可讀細辨其文但昔人捐金以事仙佛識金數于石耳殆非禊飲處也好事者因年號相同遂增飾之當時必置屋廬像設今變滅無餘然水石要可喜取酒酌其傍賞晤良久乃去口輿地碑目云夔州守楊輔去官過萬戶驛故胸臆縣治泊舟游古書崖見石刻滿其上意當時或有像設屋室蓋縣人常所往來之地縣徙歲月不復可攷而石刻亦漫

闕就盡說者但爲臆創乃屬雲安大夫劉甲徧募巖上下石刻試考詳之庶幾其猶有獲也同來者雲安大夫鄭邦基郝奚仲從子有聲淳熙十五年八月十六日按橫石灘今之橫梁候館設焉萬戶驛俗名萬戶埧右去縣西四十里○萬戶驛北有漢賊山乃漢扶嘉所居嘉胸臆人也母于湯溪側遇龍後生嘉巧發竒中高祖爲漢王與嘉相遇獻定三秦策高祖以其志在扶翊賜姓扶氏爲廷尉臨終有言云三牛對馬嶺不出貴人出鹽井按馬嶺在縣北三十里三牛相去十里皆近鹽井監○

注水經云江水又逕魚復縣之故陵有故陵溪其西二里爲故陵村溪卽永谷也地多木瓜樹有子大如鯢白黃實甚芬香爾雅之所謂楸也江水又東爲落牛灘逕故陵北江側有六大墳庾仲雍曰楚都丹陽所葬亦猶枳之巴陵矣故以故陵爲名也魚復尉戍此江之左岸有巴鄉村村人善釀故俗稱巴鄉清郡出名酒村側有溪溪中多靈壽木中有魚其頭似羊豐肉少骨美于餘魚溪水伏流逕平頭山內通南浦故縣陂湖其地平曠有湖澤中有菱芡鯽鴈凡此等物入峽所無按故陵者卽

古陵沱也酈道元以爲舊郡治今名舊縣其攷碑目云漢處士金廣延母子碑初無文字但有人物又有一碑所勒皆車馬人物或云古者修車馬備器械之圖此皆在舊雲安郡也○寰宇記云使君灘在治東二里大江中昔楊亮爲益州至此舟覆徵其波瀾蜀人至今猶名之爲使君灘一曰博望灘荆州記云張騫奉使西域于此覆舟亦名使君灘按在今縣之西○江中又有龍脊灘形似游龍歲人日邑人游于上以雞子卜歲豐凶古謠云龍牀如拭濟舟必吉龍牀彷彿濟舟必沒宋馮時行

龍脊灘留題云建炎戊申正月上巳日判官李造道司戶趙執權知縣母丘元望縣尉馮當可陪郡侯謁武烈公祠遂泛江而下散步此磧老杜詩云元日逢人日未有不陰時議者謂天寶之季此詩盡之今日天宇清明江國熙然太平之期指日可俟又獲與諸公偕游所謂人日也喜逾倍之○元和志郡有鹽官橋官今五峰驛前有橋官堂是其故址宋李皇雲安橋官堂記云建炎中改軍爲縣隸于夔猶存使名官儀仍備太守之略而時節得以奏章自達于朝他邑莫比焉治內有杜鵑亭少

陵詩雲安有杜鵑名本于此杜詩又曰峽裏雲安縣江樓翼瓦齊兩邊山木合終日子規啼按杜鵑子規共一鳥蜀本紀以爲望帝所化詳在方物中作過雲陽題杜鵑亭詩云春林血淚染山青羈客中宵忍淚聽何處蜀山不啼徧雲安偏有杜鵑亭又過雲安縣絕句之三云也是山青水碧時客懷何事動深悲春林三月無行迹君未前來聽子規蓋兩用之○方輿勝覽云飛鳳山與縣治相對古刻鳳凰巖三字瀑布泉出焉注于白玉池產太乙玄精石按張桓侯祠設在此山之脊馮當可所稱

武烈祠也案上有石如杵黝而澤卽玄精石矣○
經云江水又逕東陽灘江上有破石故亦通謂破
石灘荀延光沒處也常璩曰水道有東陽下瞿數
灘山有大小石城靈壽木及橘園也江水又過下
瞿灘左則湯溪水注之水源出縣北六百餘里上
庸縣界南流歷縣翼帶鹽井一百所巴川資以自
給粒大者方寸中央隆起形如張傘故因名之爲
傘子鹽有不成者形亦必方異于常鹽王隱晉書
地道記曰入湯口四十三里有石煮以爲鹽大者
如升小者如拳煮之水竭鹽成蓋蜀火井之倫水

火相得乃佳矣湯溪下與檀溪水合上承巴渠水
巴渠南歷檀井溪檀井入湯水湯水又南入于江
名曰湯口也○唐商真君飛昇記云雲安風俗淳
厚陶染真風如瞿法言楊雲外之徒繼出故琳宮
秘館獨盛他處輿地紀勝云栖霞觀舊名昇雲宮
在縣北一十里宮據山絕頂下瞰群峯培塿可數
唐瞿法言于此修煉白日仙去巨柏參天皆二仙
手植殿左有五龍池能興雲雨碑曰云唐雲外尊
師碑在雲昇宮杜光庭文見九域志今名栖霞宮
又縣西四十里集靈觀有碑云象山福地玉華仙

館唐商真君飛仙之所○縣西百里有上下巖黃
魯直云唐末有劉道者聞道于雲居膺禪師爲開
巖第一祖法號道微自鑿石龕曰死便藏龕中不
用日時門人奉其命二百年來遊者題詩不可勝
讀莫能起此開巖者故余作詩表見之云空巖靜
發鍾磬響古木倒掛藤蘿昏莫道蒼苔鎖靈骨時
應持鉢到諸村又寺古松楠老巖虛塔廟開僧緣
蠶麥去宮數荔枝來石室無心骨金鋪稱意苔若
爲劉道者拽得鼻頭回自注云其一用楊子安韻
一用王定國韻也按下巖名燕子龕王維贈燕子

龕禪師云山中燕子龕路劇羊腸惡裂地競盤屈
挿天多峭崿瀑泉吼而噴恠石看欲落伯禹訪未
知五丁愁不鑿上人無生緣生長居紫閣六時自
槌磬一飲尚帶索種田燒白雲斫漆響丹壑行隨
拾栗猿歸對巢松鶴時許山神請偶逢洞仙博救
世多慈悲卽心無行作周商倦積阻蜀物多淹泊
巖腹乍旁穿澗唇時外拓橋因倒樹架柵植垂藤
縛鳥道悉已平龍宮爲之涸跳波誰揭厲絕壁免
捫摸山木日陰陰結跏歸舊林一向石門裏任君
春草深郭印詩地涉雲安境山名燕子龕簾垂看

急溜蓋偃得脩楠牢落前賢蹟光明有佛庵幽禽
知客至一一解玄談喻汝礪詩徑向山腰轉門從
水面開片雲巖下宿一鉢朔方來落日鳥衝樹輕
陰花覆苔惟應荔枝熟時躡白雲回宋肇詩古寺
依叢壑雲深暗薜蘿山僧眉睫異林鳥語聲和絕
壁疑無路長江自波暫來還趣駕衰早倦經過黃
人杰詩十月水痕瘦維舟過下巖鷗行沙作路龍
像石爲龕風定煙光合霜回日色酣賦詩無好語
聊用志瞿曇楊邁下巖避暑詩云古寺重來興轉
添舟中午暑正炎炎野僧引客登山閣稚子穿雲

放水簾熱得清涼身暫健懶便閑靜意難厭人間
劫火方撩亂法雨何如爲普沾令狐慶譽詩云地
遠塵寰不染埃懸崖屈曲寄層臺山頭玉溜隨簷
滴巖下金容就石開寺影不妨流水過松香長逐
好風來徧游未盡無窮景爲報舟人且莫催杜東
之詩云壽江翻雪捲胡灘晚泊巖扉暫解顏夙有
淨緣逢寺喜老無生理伴僧閑殘雲已斷獨飛雨
落日將沈却照山半夜秋聲驚客夢一簾珍貝冷
珊瑚閩人朱煥下巖次韻云勝地都無一點埃脩
脩野竹映樓臺僧同巢鳥林端見佛顯靈光石面

開道者已隨鸞鶴去世人翻為水雲來登臨清興
 難窮盡一下層巒暮色催口任以萬曆壬子暮春
 過此作詩云病中入寺情相得雨後看山趣轉添
 片石僧寮無結構一春巖溜自垂簾題名刻像成
 今古背路臨江恰見潛我已忘機來此地白雲溪
 鳥莫猜嫌因徧訪諸石刻其可見者游仲鴻游季
 祥來游時段謙仲適尉此邑邂逅巖中酌酒共坐
 而去淳熙乙巳四月十四日軍守張吉鹽井史澤
 判官陳奭以嘉祐六年五月二十一日至寺下偶
 新遂州司理向宣顏偕游資郡張良能少穎解褐

西泝艤舟來謁尊者拜三先生遺像紹定庚寅仲
 春念一日男遠卿侍杜世東就銓西歸謾書絕句
 往年題柱記行色今日支筇還獨來道者相看定
 相笑若為牽得鼻頭回樂温缺鍾涪陵尉鄭階平
 治平乙未六月五日同遊任持本院主僧法能刻
 石

開縣

在府城西四
百七十里

舊漢豐縣建安二十一年置在巴東郡西北彭溪
 源後周改漢豐為永寧縣今治西四十九里濁水
 故城是也志云縣南四十里墊江一名濁水源出

梁山縣之高粱山春夏泛漲人多墊溺流至渠口
舖入開江又有清水源出萬歲縣之石塔山西南
流經石門山又西南流經巴渠故城東輿地紀勝
云巴渠縣劉宋所置宇文氏改爲萬歲縣以縣北
有萬歲谷也舊址在今縣東北五十里卽宋之清
水縣矣○縣西北一里有盛山以唐刺史韋處厚
著名韓愈作盛山十二詩序云韋侯昔以考功副
郎守盛山開州或謂韋侯美士考功顯曹盛山僻
郡奪所宜處韋侯將怨且不釋矣余曰不然得利
則躍躍以喜不得利則戚戚以泣若不可生者豈

韋侯之謂哉韋侯讀六藝之文以探周公孔子之
意又妙能爲辭章可謂儒者夫儒者之于忠難苟
非其自取之其拒而不受于懷也若築河隄以障
屋霤其容而消之也若水之于海冰之于夏日其
翫而忘之以文辭也若奏金石以破蟋蟀之鳴虫
飛之聲况一不快于考功盛山一出八息之間哉
未幾果有以韋侯十二詩遺余者方且以八谿谷
上巖石逐追雲月不足日爲事讀而詠歌之令人
欲棄百事往而與之游不知其出于巴東以屬胸
臆也于時應而和者凡十人及此年韋侯爲中書

舍人侍講六經禁中侯名處厚和者通州元司馬
名稹爲宰相洋州許使君名康佐爲京兆忠州白
使君居易爲中書舍人李使君景儉爲諫議大夫
黔府嚴中丞武爲秘書少監温司馬造爲起居舍
人皆集闕下于是盛山十二詩與其和者大行于
時聯爲大卷韋侯俾余題其首云處厚詩曰激曲
縈飛箭浮溝泛滿卮將來山太守莫向習家池石
流杯渠不資冬日秀爲作暑天寒先集誠非鳳來
翔定是鸞石竹巖巉崑雪中嶠磊落標方峭勿謂
枕蒼山還當礎清廟石繡衣石榻注爲温侍御置

雨合飛危砌天開卷曉窗齊平聯郭柳帶繞抱城
江石宿雲亭夾岸凝輕素交枝漾淺淪味調方薦
實臘近又先春石梅谿噴日舒紅錦通蹊茂綠陰
終期王母摘不羨武陵深石桃塢䟽鑿徒爲巧圓
窪自可澄倒花紛錯繡鑑月靜涵冰石葫蘆沼顧
渚吳商絕蒙山蜀信稀千叢因此始含露紫莢肥
石茶嶺繚繞綠雲上璘玢瓏玉聯高高層幾折極
目瞰秋鳶石盤石磴褊地堆層疊因崖遂削成淺
深嵐障色盡向此中呈石琵琶臺綆汲豈無井巔
崖愧深峻願灑塵垢餘一雨根莖潤石上士銜泉

注爲柳律師置初映鉤如線終銜鏡似鉤遠澄秋水色高倚曉河流右隱月岫○杜光庭錄異記云開州後倚盛山東枕清水沂流而北三十餘里至溫湯井井有湯泉在北山上麟德間因雷雨震霹山脚摧裂洞門自開當門有石鍾自然成形如數千斤鍾大懸身去地二尺許外象鍾而中實扣之無聲門兩壁有石如金剛力士之形者數人鍾旁有小徑高六尺以來行二三丈稍濶有石碑巨龜負之碑側有石屏上與頂相連下有一穴側身可入一二尺許自是廣濶中有路徑平坦與常無異

路之左右滴乳爲石羅列衆形龍麟鸞鶴類雲魏山如林如柱似動似躍乍飛乍顧千形萬態不可殫紀僅一里許傍竦蓮臺周回數步高三四丈層綴重疊皆可攀躋旋生乳石如臂如指者以燭照之通透瑩徹隨折脆斷及出洞門外得風皆爲白石矣自臺側三四十步有蓮花羅布于地旁有甘泉水色溫白遊洞者烹茗于此前有橫溪湍波甚急其聲喧洶流出洞外溪上有橋長二三丈濶一丈許非石非土功甚宏壯過橋得黃土坡高四五丈道徑險滑行者累息方至其頂坡上有巨堂四

壁平淨中高數丈壁上皆有遊山之人題記年月堂之極處曲角有一穴高四五尺廣三四尺去下丈餘躋攀莫及相傳云昔有遊人攀緣而入累月之後出于巫山洞中自後無敢復入者

新寧縣

在府城西六
百四十里

寰宇記云故新寧城在縣西北十里後魏恭帝二年于此立縣隋開皇三年廢唐武德二年又置後遷于賓城通志云宋更為三岡縣至道中移治于新安市元至元初復稱新寧○紀勝云新寧南十里黃茅嶺古詩所稱猿聲時下斷月色好平看

卽此處

大寧縣

在府城東
北二百里

晉北井縣周併入大昌矣宋開寶中始以鹽井地置大寧監與治側永安城相對取安寧之義也宋陞爲州領縣五其一爲大昌 國朝降縣與大昌俱隸夔州其四縣割入陝之漢中○注水經巫溪水又逕北井縣西東轉歷其縣北井南有鹽井井在縣北故縣名北井建平一郡之所資也鹽水不通巫溪溪水是兼鹽水之稱矣○寶山在舊大寧監北十七里半山有穴如瀑泉卽鹹泉也山有牡

丹芍藥蘭蕙雜花卉圖經云一泉之利足以奔走四方者此矣知監王子申大寧志序云一溪前陳可濯可泐衆峯巉絕如削如畫峽郡之桃源也○觀音巖在治東鳳凰山郡守張孝芳愛其巖湘中山水暇日窮討得月窟雲巖釣雪玉環浮玉寶華之勝○距城二里兩江合處中有石巖峙如門高二三丈溪流歛如瀑布謂之南淵鹽官孔嗣宗春日與客泛舟飲于綠陰下商民鼓吹隨之其樂不減于蠶市云○二仙洞去鹽場二里一名王子洞山高百餘丈上下皆峭壁惟一徑寬二尺長四五

丈許始達中可丈許凡遊者不敢下視洞口寬數十餘丈深不可測巖上石文生成千字水出石筍四時不絕相傳昔有王子採樵見二人圍棋于此局未終而斧柯已爛其人仰壁留題而去詩曰仙人洞裏無春秋白雲深處心悠悠爛柯樵子半途客安得乘風駕玉虬千年勝事今朝說一一重重心練結從來流水與高山更有清風共明月王子後不知所終但傳有仙骨長丈餘○丁晉公謂夔州移城記云開寶伐蜀師分劔巫而入時灑灑灘高樓船難進易退步騎自襄州西山裹糧兼行林

麓無際澗壑相接不知道路之所從得蜀民請王師獻書由大寧路直趣夔州平蜀之師實取道于此也碑景德三年立

大昌縣

在府城東二百里

水經注云巫溪水源出宣漢縣南逕建平郡之泰昌縣南按泰昌晉東渡後改自建昌者後周避宇文泰諱始易今名○寰宇記云千頃池在縣西三百六十里波瀾浩渺莫知涯際分爲三道一道東流當縣爲井源一道西流爲雲安縣陽溪一道南流爲奉節縣西瀼水○杜甫西閣二度期大昌嚴

明府同宿不到詩問子能來宿今疑索故要匣琴
虛夜夜手板自朝朝金吼霜鍾徹花催蠟炬銷早
鳧江檻底雙影謾飄飄

建始縣

在府城南五百里

漢巫縣地吳孫休改巫爲建平郡始置今縣依郡立名唐以後俱隸施州 國朝改屬夔志云縣東三十五里有州基山是昔建平郡治○黃山谷馬上口號呈建始李令云驛亭新似眼舫明箐路開如掌樣平誰與長官歌美政風搖松竹是歡聲
大明官制建始在萬山中產麩金

達州

在府城東北八百里

領縣二

宕渠之東界胸臆之西界其地居四達矣唐名通
州宋改今額以別于淮南之通州也○州以元微
之左遷司馬著名有勝江亭在州西三里白樂天
寄微之詩云達州猶似勝江州其後郡守王蕃因
以名亭焉○長慶集微之到通州日授館未安塵
壁間有數行字乃是僕十五年前初及第時贈長
安妓阿軟絕句緬思往事杳若夢中懷舊感今因
作長句呈白居易云十三年前似夢遊曾將詩句
結風流昔教紅袖佳人唱今遣青衫司馬愁又見

樂夫詩云通州到日日平西江館無人虎印泥忽
向破簷殘漏處見君詩在柱心題○時有李景信
者自長安來訪微之有李十一景信到詩云何事
相逢翻有淚念君緣我到通州留君賸任君須任
我不自由君自由又有丁溪館別景信云京城每
與閑人別猶自傷心欲白頭今日別君心更苦別
君緣是在通州○陳升翠玉軒序通川之境東瀉
巴川西峙鐵嶺南對憂雲北望鳳山按巴渠江在
石鼓縣南四十步流入通州界江中有南昌灘元
微之南昌灘詩云渠江明淨峽逶迤船到各灘拽

惓遲櫓窳動搖妨作夢巴童指點笑吟詩畚餘宿
麥黃山腹日背殘花白水滑物色可憐心莫恨此
行都是獨行時○鐵山在州西二十里石色如鐵
上有師子和尚諸巖蓋迢遞自石城來者四面絕
崖西有一路登頂寰宇記云後魏廢帝二年開拓
山南改宣漢爲石城從山名也○翠屏山橫列州
南元微之建憂雲亭其上山北又有水流寺巨石
刻成殿形餘址蕪沒惟佛像屹立江邊○鳳凰山
在治北五里山形鳳翅掩映州城有梧桐坪寶芝
洞諸勝洞中石乳成峯玲瓏如刻鏤又有砥石縱

橫丈餘鑿爲曲道可以流觴山有呂公媪相傳呂
純陽幻形乞食寺僧知而縱跡之逐雲影冉冉而
逝○輿地碑目漢車騎將軍馮緄碑在永睦縣西
八十里緄薨于桓帝之永康元年文尚瞭然可讀
其父煥亦有兩碑斷裂不全僅存大槩又有漢廣
漢蜀國侯李翊及蜀國侯夫人墓銘翊以靈帝熹
平二年卒夫人不著姓氏疑其爲臧氏首尾亦不
刻缺又書字巖碑在廢巴渠縣西十里多斷缺不
成文理其間晉昌太守字按晉孝武方立晉昌郡
則此必東晉以後人碑耳又唐處士墓碑在州城

北十五里揚斗壩馬腦鼻山下乃唐景龍二年刻
字畫道媚如歐柳可愛又元稹告畚三陽神文在
當州華陽觀又廣福院修福殿記在廢永睦縣卽
唐福田寺有會昌三年王欽說修福殿記又瀘潭
院鑄佛記在治東富教里岸側石上乃唐人所鑄
傍有中和造像姓名百餘字多漫滅又黃山谷贈
通川令韓廣叔碑文廣叔赴通川日魯直以言贈
之曰惟勤能辦公家惟清能律貪吏嚴而信剛吏
不病民簡而敏則民多在野又有趙節婦碑初節
婦趙氏婺居有兇人欲犯之脅以白刃節婦不爲

動旣而誘以百端終不可遂刺殺之時皇祐二年
知州薛侗茂其節爲之立碑于州西北山上後邑
令薛仲侃劾祠繪像于中

東鄉縣

在州西南三百八十里

治南有石鼓橫江上爲石鼓鎮楚春申君之花果
園也寰宇記云唐初折石鼓縣之西鄉地在東關
水北五十步置巴渠縣故此爲東鄉矣武德中移
東鄉縣于安養故城卽今治○紀勝云舊巴渠縣
後鹿子山漢樊噲嘗屯兵于此○萬戶溪在巴渠
里之東自開州萬歲縣界北流來合縣漑江水又


有成熟溪亦自萬歲縣來合文字溪○今縣西北四十里崖壁間懸二石左顛日右顛月月中空隙有娑羅樹一株


太平縣

在州西南三百二十里

我明正德十年割東鄉之太平里置縣因以為名舊明通縣地也勝覽云丙穴在明通縣井峽中其穴凡十其中皆產嘉魚春社之前魚即出穴秋社旋歸其出也止于巴渠龍谷灘首有黑點謂照映星象相感而成長身細鱗肉白如玉其味自鹹蓋食鹽泉也○縣東七里有龍潭羣峯環拱凡七十

二浦會合凡四十八渚而匯為潭廣餘百畝其深叵測定惟龍湫又東北八十里之萬頃池是春申君故居旁有平田萬頃鄰邑諸水源皆出于此





太平縣

在州西南二百二十里

我明正德十年割東鄉之太平里置縣因以為名

舊明通縣地也勝覽云丙穴在明通縣并峽中其

穴凡十其中皆產嘉魚春社之前魚皆出穴秋社

甚姑岳受育平田萬頃濼邑清水燕習出于此

可賦宴游請憇又東北八十里之萬頃岷長春中

二龍會合八四十八龍而甄甄戰黃龍百湖其

